


# 閣書



漢書門			
九	一〇	七	類
三	三	三	號
一	一	一	函
四	一	一	册

内閣文庫	
九	漢
〇	書
七	類
三	號
一	册
五	函

内閣文庫	
番號	漢 9073
册數	40 ( 19 )
函號	292 86

六十三 六十四  
六十五 六十六

十九



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak












圖書卷之十三

文蒞志

淺草文庫

邵武府 邵武丞



知縣事 丞 主簿 尉各一員

陳執古 建州通判 張仕遜

仕遜字順之光化軍人淳化中進士為鄖鄉簿歷知邵武以慈愛得民縣早去盖步禱於歐陽太守廟霑足始歸廟盖去城過一舍許嘗手植海棠因以名亭邑人封植比之蔽芾累遷同中書門下事以太尉致

圖書

文蒞

熊万



仕卒謚文懿民為立祠大乾廟

右景德中任

王裕民鄭事道

右元祐中任

曾昇

右元符中任

解致君

右政和中任

曾受宋棊

右紹興中任

陳元平

元平字熙初性英邁強毅立言必信習熟民情軍政

雖老吏宿將不能難之尤向慕儒術甚為黃勉齋所

稱評

陳孔碩

右紹熙中任

史定之

右慶元中任

謝侗王埜

右紹定中任

周書

文蒞

万



高斯衍陳蕃朱子廣

右淳祐中任

張德

湘一作

右咸淳中任

丞簿尉賢者附後

謝源字資深臨川人淳熙中丞縣靜重有守其先丞

南昌帥守急聚斂源獨無所屈嘗歎曰逼貧民以奉

上官弗忍為也至邵武當路多知其賢而常平使者

宋若水尤敬重之卒于官朱文公銘其墓

蔡克字公度南城人天聖中縣尉好自潔清衣冠容

貌平居肅然臨事沉默慎靜人以廉節目之

縣尉鍾幹譽大觀中任

見建安縉紳

劉彛嘉熙中任

見閩縣縉紳

元

達魯花赤

縣尹

主簿

縣尉

典史各一員

楊坊拿口二商稅務務使

副使

水口楊坊

拿口同巡四寨巡簡 樵川林墩拿口三站提

領

副提領

僧錄司都綱

道錄司威儀各

一員

張祥字彥禎真定人以至正二年進士任縣尹胸襟



洞然冰蘖自尚與監邑安谷兒禿編籍徭役積弊悉祛

耶律惟一字用中許文正高第也至正間達魯花赤興學獎士

王應祚泰定二年任縣見晉江縉紳

陸文英樵李人至正間縣尹政浹民和作新廟學

孔公俊字師道曲阜人宣聖五十三代孫至正間任

邑新被寇存卹勞狹惠化兼施嘗曰民萌逆節繇教

養無道廼輕徭薄賦愛重民力大脩學宮以作士

傅士謙臨川人至正間任尹當兵革之餘悉意撫綏

尤以興學化民為務未朞月流竄歸呻吟息屢有新

居公無逋稅

游欽至正元年任簿見崇安縉紳

皇朝

知縣 縣丞 主簿 典史各一員 儒學教諭

一員 訓導二員 水口巡簡司巡簡一員

楊坊稅課局大使 拿口稅課局大使各一員

俱樵川拿口林墩二驛驛丞各一員林墩萬曆十年革

河泊所河泊官一員

知縣



水甦民

甦民無錫人廉明慈愛為政有方

劉某詹得銘夏祥鳳

祥鳳嘉興人以文章治行稱嘗曰廉者士人大節官不能廉大節虧矣雖有政事足尚哉代去囊篋蕭然

莊九疇

九疇寧波人廉勤公正愛民好士善楷書尤長於詩

右洪武中任

蔣忠李復觀

復觀饒州人以文學飾吏事不假鞭朴民信服之

右永樂中任

鄒良

良樂安人永樂乙未進士知松溪邵武兩縣性鯁介不避權貴聲隱隱動八閩秩滿邑人上疏乞畱進通

判秩仍知縣擢守衢州

右宣德中任

顏宗

右正統中任

同蠡

蠡交趾人廉慎愛民鯁直不阿

同壽

文苑

五

方



右景泰中任

李仁童廣

右天順中任

王拯

拯東莞人繇鄉貢任爲人穎悟強記吏民有事於縣

者一見輒記姓名公廉淡素尤慎興作縣廳敞節積

俸金三百餘兩以付耆民曰儲此俟歲豐新之尋以

憂去

王濟秦淳

右成化中任

費琮吳策高遷

高遷侵漁官庫銀五百餘兩他所得

先期准其考績邵武府通判湯珮心不平又以遷嘗

慢之奏發其事并誣及都御史洪鍾副使常斌僉事

王寅等命給事中熊偉等來按奏擬遷監守自盜追

賈發原籍爲民珍誣奏十人以上革職冠帶間住下

刑部擬請如所擬 孝宗以遷侵盜官錢索取賄

賂數多難處以常例并其家屬發廣東海南衛充軍

桂安仁人繇進士任公正慈祥清苦一節鎮守府嘗

檄取白確力爲辭免窞戶賴之

馮晃

右弘治中任

胡滌王鑾蕭洋唐鳳



右正德中任

蕭起鳳曹察

察無錫人以進士任接引人才聿興蒙教痛斥僧巫均一冊籍祛除奸巨情聽訟獄約省驛費端崇俗紀弛張有道如植私家民作懷棠祠祀之

葉朴謝廷訓王訓孫鈺夏惟寧林有望錢于鄰黃夢說

右嘉靖中任

鄭夢賚

夢賚番禺人嘉靖末以舉人任崇安教諭勤學郵士言動謙雅遷邵武尹

郭鵬

右隆慶中任

張邦仁黃門趙璧江鴻慶

鴻慶貴溪人以貢士任才識精明覽牘無煩再目折獄片言而已

王應昌

應昌嵯縣人敦尚風節邑大旱素衣冠遍禱名山其澍霑足其禁輕生革都總抑土豪徵收不恥秤頭民至今頌之



右萬曆中任

佐貳教官賢者附後

傳礪錢塘人永樂中丞縣

見建寧知縣

鄭鑿縉雲人貢士弘治中丞縣嘗督黃冊能絕飛詭

以三則編徭壯賑貧士葺學宮九年考績謝歸民老

幼涕泣不忍舍

李幼滋字元樹應城人嘉靖中為禮科右給事中以

拂權貴意謫丞邵武仕終工部尚書性度端嚴持法

重禮

潘日升嘉靖中邵武教諭得王文成良知之學善後

其旨明道覺人每以身先嘗著人倫四箴俾諸生朝

夕誦誦無懈

袁若璣宜春人萬曆中邑諭博雅長詞賦捐俸供課

寒暑不輟貧生多待舉火者

光澤縣

宋

知縣事丞主簿全尉各一員監稅務一員

知縣事

王垂象

右祥符中任



崔脩

右景祐中任

尹洙

洙字師魯歷知光澤仕至起居舍人直龍圖閣坐貶崇信節度副使徙監均州酒稅歐陽公志其墓師魯河南人姓尹氏諱洙然天下之士識與不識皆稱之曰師魯蓋其名重當世而世之知師魯者或推其文學或高其議論或多其材能至其忠義之節處窮達臨禍禍無愧於古君子則天下之稱師魯者未必盡知之師魯為文章簡而有法博學彊記通知今古長

於春秋其與人言是是非非務窮盡道理迺已不為苟止而妄隨而人亦罕能過也遇事無難易勇於敢為其所以見稱於世者亦所以取嫉於人故卒窮以

按洙令光澤出宋史傳而歐陽公墓誌云邵武軍判官兩存之

右康定中任

許良輔

右嘉祐中任

范迪簡

右治平中任

上官均

見邵武縉紳



右熙寧中任

江迥

迥陳畱人嘗定經界於民無擾

王以詠見建安魏閑

右元祐中任

趙士畋

右政和中任

張碩

碩為令勤卹民隱賑濟尤最

趙不困王聿求張訢

訢毗陵人嘗做社倉法立倉境內以濟市里之民無  
蓋藏者及中下之家生子不舉者又附倉列屋以待  
行旅病無所歸者法甚精善朱文公為記

右紹熙中任

趙善珏見宗周仲明

徐杰陳觀奕

右嘉定中任

丞簿尉賢者附後

王介雍紹定中任丞見閩縣

熊以寧淳熙中任簿見建陽

周書

文蒞

十

萬



張彥清紹熙中任簿見浦城

包恢嘉定中任簿見轉運判官

諸葛琰嘉定中任尉見南安

元

達魯花赤 縣尹 主簿 縣尉 典史各一員

儒學教諭一員 大寺寨巡簡 止馬商稅務

務使 副使 杭州杉關二站提領 副提領

僧錄司都綱 道錄司威儀各一員

縣尹

沈該至治中尹有惠政

况達字肩吾廬江人泰定中任起家為椽嚴明能恕下車之日富强民素為長吏信從畏憚者一不聽入謁獨延見諸生與之講學訟者在庭一見得情偽其負者故可立決也達曰吾非不能立決立決則傷而親戚間里之情矣輒教令退思之嘗有兄弟爭田達曰吾視若貌非不恭友者授以伐木之詩身為諷咏解說使日誦於學未踰月皆感泣求解邑南三里雲巖書院宋李方子講學故處也達日退食即其處理泉石斬荆棘徘徊詠歎若將見其人得其遺文數篇出與學者誦之



朱萬初江西人至正間尹政浹民和境內寧謐

皇朝

知縣 縣丞 主簿 典史各一員 儒學教諭

一員 訓導二員 大寺寨巡簡司巡簡 稅

課局大使 杭州杉關二驛驛丞各一員 河

泊所河泊官 陰陽訓術 醫學訓科 僧會

司僧會各一員

知縣

劉克明廬克問

林孔孫

孔孫山東人至任興學校崇教化課農桑脩廢墜政

平訟理民賴以安

姚伯和

右洪武中任

曾成烈馬伯朱幹

右永樂中任

陳度

右宣德中任

盛墳

墳錢塘人爲政得體吏民懷之



徐晉

右正統中任

李綱龐敬趙昶

右景泰中任

屈伸侯驥陳紀

何昌言

昌言建德人居官清慎嘗增建儒學舍宇及創建預

備新倉

劉俊

俊字君佐深州人繇監察御史左遷廉明剛果以戢

奸植善為首務毀淫祠禁師巫凡境內庵院之私創

者悉撤其材植以葺學宮壇壝人立祠祀之

右成化中任

魏默

默字本純新建人孝友志學繇舉人知是縣剛明幹

濟請托不行銳然以興學變俗為己任冠服文物一

新於時又嘗延禮閩士之有文行者以課其邑俊秀

暇則為之講說經義疊疊不懈後家居足不履城府

所著有介菴小草子祭見左布政

岳山李麟丘世喬

見沙縣知縣

章侃王儼



儼字子敬江都人以進士任簡訥不苟交與篤學好  
 脩公平清慎深得民心造就人才政教兼舉仕終岳  
 州太守  
 右弘治中任國士之會文台未以器其馬對衣  
 余崇鳳鍾華  
 華字美彰順德人以舉人任政教得民嘗脩邑志祀  
 名宦祠

徐泰

右正德中任

賴暹曾忤

忤字汝誠泰和人以進士任一新泮宮改婺源擢給  
 事中  
 李玘  
 玘豐城人以恩生任有廉能之能

廖廷臣盧金潤鄔高紀稔向縞蕭廷相徐恒錫張大  
 會吳國器  
 國器崇義人縣舊無城郭嘉靖庚申間山寇竊發據  
 西關外擄掠一空迄寇平國器承檄董造民方被寇  
 復有城役不無怨咨於今怨消而利永矣

黃楷



右嘉靖中任

朱明臣盧大元土世祥潘侃

右隆慶中任

姜桂芳

桂芳新建人以選貢任資身簡約不妄費民間財力

隨朝人役恃其效勞還縣恣肆立驅逐之

林樹薰

樹薰朝陽人以恩貢任學故有田後皆改廢樹薰初

至捐贖鍰為月試需既又捐助貧生久之有謀鬻寺

田者樹薰不許請上官改田於學邑士受賜

劉一中

一中興國人以恩貢任前令林樹薰改寺田為學田

謀鬻者尚垂涎之一中廉出治罪田復歸學士亦頌

焉

陳廷謨毛志添陳宗諫

宗諫東鄉人以選貢任慈祥清潔禦水救荒口碑載

道離任之日士民涕泣以從

程寰

寰字仲輔歙人繇進士任醇衷潔守見民稚魯少文

則立義學以訓童蒙立章相會以課子弟見民鮮蓋



藏則立義倉勸民輸穀以備賑濟其他建橋梁行鄉約種種善政難悉舉以才調新建縣

李際熙

際熙義烏人繇舉人任簡易為政不費民財作興士類嚴捕盜法境以絕盜

施良猷羅希尹汪正誼

汪正誼安居人繇舉人任心坦政平建學宮修橋梁百廢具舉

右萬曆中任

佐貳教職賢者附後

蔡大政蘄水人萬曆中任丞事識大體不苟取財民德之

歐陽勛順德人萬曆中主簿錚錚為廉有譽於邑

陳子良永樂間教諭見邵武縉紳

尹安字仕安上饒人宣德初以進士掌教事剛介慎默勤於訓誨

段永字仕悠餘干人永樂二年進士官德中任教諭好古守禮條教嚴明人雅敬之

陸廷玉仁和人弘治中任教諭立教有方士心感服車錡萬曆初任教諭見將樂縉紳



張承憲鄞人萬曆中任教諭律身無所詭隨課士必兼通論策使之博今古通時務  
 林松聲萬曆中任教諭見漳平  
 鄒啓字迪善廬陵人洪武末任訓導恭謹篤實勤於啓誨  
 朱徽字文徽新城人宣德初訓導有文學善書預脩邑志  
 吳經字天常海陽人弘治中以舉人任訓導勤於誨人多所造就

奉寧元貞南海人弘治中以舉人任訓導重默有守可以矯俗博學多能可以淑士士感慕之

王謙光會同人萬曆中任訓導稟性寬平綽有古風

奉寧縣

五代歸化鎮

鎮將

鄒勇夫

勇夫固始人隨王潮入閩審知王閩勇夫為僕射與審知陳說大義勸其奉梁正朔時南唐有吞閩之意歸化鎮適當要衝審知遣勇夫鎮遏之至則蒸蕪巨野煙火僅百家勇夫招集流亡葺理宅舍民襁負至





五代干戈相尋是邑獨不被兵人物蕃阜田野墾闢  
勇夫之力也子相因家焉

宋 知縣事 丞 主簿 尉各一員 監稅務一員

呂黃

黃藍田人大防之父也治尚簡靜政不繁苛

陳師立范振

右紹興中任

黃琮 見莆田 縉紳 章元振 見崇安 縉紳 周居權 實平縣古風

居權知泰寧俗生子不舉者為文勸戒之民多感從

姚遇林育

育沉靜寡慾政績有聲

吳達 見崇安 縉紳 徐壽 見建安 縉紳 吳昇

昇用儒術飾吏事

趙師館 見宗室 江鈿

鈿知泰寧時值寇亂率兵討平之

江燧 見崇安 縉紳 鄭振甫

右紹定中任

師顯行余炳

炳紹興人物為建寧尉歲己丑汀寇壓境令佐皆宵

炳紹興人物為建寧尉歲己丑汀寇壓境令佐皆宵



道炳獨護縣事親率士卒首挫賊鋒用能繫一邑遺  
黎之望以待王師後以功進秩知本縣

右淳祐中任

承簿尉賢者附後

謝綽中紹興中任簿

見政和  
縉紳

趙良淳字景程汝愚曾孫從雙峰饒魯學知立身大  
節咸淳中以薦為泰寧主簿恥事干謁浮沉冗官二  
十餘年咸淳末改安吉州元圍城良淳力守兵潰奮  
筆書凡曰寧為宋朝鬼莫作虜廷臣投繯而死  
元

達魯花赤

縣尹

主簿

縣尉

典史各一員

儒學教諭一員商稅務務使副使僧

錄司都綱道錄司威儀各一員

張理

理字仲純清江人少刻勵讀書長從杜本於武夷舉  
茂材異等授泰寧儒學教諭勉齋書院山長進福建  
儒學提舉有易象圖說貢師泰序其書以傳  
皇朝

知縣 縣丞

主簿

典史各一員

儒學教諭

一員

訓導二員

陰陽學訓術

醫學訓科



僧會司僧會各一員

知縣

陳撫

撫金谿人蒞任時承兵亂之餘披荆秦集流散興學校課農桑鋤強暴不期年百廢具舉與山長與戰步能何天衢定

定字伯安高昌人尚行實敦風化作士氣凡公署學倉壇壝多所脩建親課阡陌野無曠土力去軍屯之擾遷廣德同知致仕歸過泰寧父老遮道挽留願樂山水因家焉其歿也邑民為營葬

陳若虛王允茂龔才善劉仲實張仲達王可宗

可宗溧陽人莊重廉介均賦薄斂得為政之體

右洪武中任

萬文昭于壽實吳志盛張淵

淵華亭人倜儻廉潔勤於撫字邑自元季以來學宮廢弛淵銳意作興多所造就民有訟者從容開諭使其自息

夏時敏金鼎周英

英字子傑合浦人愛民訓士政尚寬平

右永樂中任



張泉

右洪熙中任

王定

右宣德中任

陳大倫

右正統中任

顧瑄

右景泰中任

張恒

右天順中任

劉澤

南昌人 繇舉人任 不事煩苛 有建城功

謝恩

右嘉靖中任

黃夢龍

番禺人 繇舉人任 長才有雅操 竟十月入 覲

以艱歸

魏存仁

右隆慶中任

李椿馬

劉鍾

文蒞

三

三百五



鍾南海人繇舉人任扶荔惜寔然矯枉或過坐得罪  
提問泰民走訴於 朝得復官

李九標萬廷相楊夢玄丘鴻漸譚公佐包斌譚際可  
際可仁化人繇貢士郤覬肅吏愛民如乳哺

滕養志

山人繇舉人任邑中盜賊圖賴屏迹積浦蓋

養志溧陽人繇舉人任邑中盜賊圖賴屏迹積浦蓋  
輸創修三橋為泰永利

錢吾德

吾德嘉善人繇舉人任夙負聲詞場吏畏民安  
吳頌章大成胡維翰方一敬吳伯升

侯驥徐琛

琛吳江人廉謹慈惠克脩簞簞

邵正范瀚

瀚鄞縣人繇監生任時稱其有才幹

陳瑞奚銘

銘宛平人以進士歷御史左遷來縣治尚簡靜

右成化中任

夏彞呂瓚李南梁德宏瞿鵬

右弘治中任

汪集李成沈文源戴嘒



尋番禺人繇舉人崇教清獄申免雜徭民賴之至今

右正德中任

朱珪鄭時舉

時舉新會人省各官薪水之夫免里甲供辦之費繕

治橋道不勞民力

許仕經裴建汪志英陸奎章汪汝德陳學可陳學乾

學乾揭陽人繇舉人勤於撫字歸篋圖書而已

陳大就能早

早豐城人繇舉人明敏清勤以艱當去泰適被兵當

道奪情調度民賴以安

右萬曆中任

教職賢者附後

何恕南城人宣德中以舉人任教諭教法嚴明勤於

訓誨士心悅服

李卓泰和人正統中以儒士任教諭講解詳明訓誨

勤篤卒官士友哀慕之

朱瑛鎮海衛人萬曆中以舉人任教諭樂易坦夷不

右奸徒而左諸生人爭思之官至運同

魏鳴朝龍巖人萬曆中以舉人任教諭敷教以寬稱

近時賢師之最



彭文貞洪武中訓導見沙縣

王義字大節臨川人父學敏第永樂間進士拜監察御史忤權臣謫戍遼東卒義奔途扶襯歸葬以孝行聞成化中繇貢授邑訓導每日正衣冠坐齋中隨諸生材質高下授之學講經至有要義必懇懇為言欲其體諸身而見於行不徒為科舉之舉而已也會副都御史滕昭來閩察吏先遣人歷郡邑密訪其人因而索賂義不之禮遂入謗坐黜諸生歎泣不已義處之泰然

建寧縣

五代 黃八連 鎮

鎮將人野戰軍林對士文英子負將首之勳

謝望謝彥斌 望子俱見本縣弁給

梁 皇師中

韋闔與兄纂弟觀並知名為建寧縣平生仕宦得俸百餘萬悉委伯父處分鄉里宗事之位通直郎

唐 大聖中

陳巖 見君長

宋 神宗

知縣事 丞 主簿 尉各一員 西安巡簡司

周書

卷之六十一 文選

三

百



巡簡一員

知縣事

葛佑

葛佑

葛佑

右天聖中任

王永壽

王永壽為縣有能聲

右皇祐中任

李山甫

山甫南城人遷建學校擇士充弟子員勸督之儒風

以盛

右嘉祐中任

王述

王述右治平中任以婚車輅以藉蓋吳曾創學校

高正卿

正卿高密人有治才

右元豐中任

謝潛

見長汀

張達觀

見寧化

吳播

見南平

黃唐祐

唐祐江夏人時方衰亂撫摩鎮定邑民按堵嘗創建

廟學

右紹興中任

謝

文蒞

三五

熊可



林宗顯見長樂

右乾道中任

江默見崇安趙師棠

師棠汴人首闢學宮市民地以益之後守漢陽

趙時館見宗

右慶元中任

錢衢

衢字守道錢塘人以敬事神以誠蒞民增修學校

風丕振後陞守郴州

邵繼道

右開禧中任

林孝聞見福清

趙時侑丘鱗見連城

右嘉定中任

孫巨源

右寶慶中任

趙紡夫見宗

右紹定中任

祝沂吳七德

右嘉熙中任

林公珮見福清廖邦傑見順昌連端懋林俊



林公右淳祐中任

見閩縣

林經德林潮孫

見閩縣

右寶祐中任

馬世穎宋秉孫

見建安

林大博

右景定中任

程夢桂

見建安

陳炤

右咸淳中任

丞簿尉賢者附後

上官拯至和中任丞

見邵武

謝公旦紹定中任丞

見福

建轉

段震午字能可漢陽人淳祐中任丞振舉廢滯遺愛

在民亦以文學稱

典史各一員

章公弼餘干人紹聖初舉進士授邑簿聞朝廷廢劉

摯范純仁託疾不起尋丁母憂廬墓三年宣和間為

禮部侍郎以疾歸

陳雲開禧中任簿

見崇安

余炳紹定中任尉

見泰寧

洪天驥淳祐中任尉

見泉州

趙繹夫

中任尉

見宗

陳王度

商中任尉剛

介嫉吏亦熊源亦中任尉

張榮國典史中任尉

以文章課士

洪振龍景泰中任尉

見閩縣



元文  
達魯花赤 縣尹 主簿 縣尉 典史各一員

儒學教諭一員 西安寨巡簡 商稅務務使  
副使 僧錄司都綱 道錄司威儀各一員

縣尹

朱文寔至治中任 見莆田 吳楚至元中任尹 見浦城

徐賜任西安巡簡 見順昌

皇朝

知縣 縣丞 主簿 典史各一員 儒學教諭

一員 訓導二員 西安巡簡司巡簡一員

陰陽學訓術 醫學訓科 僧會司僧會各一

員

知縣

程思道董煥李協中

協中臨穎人撫字有方斷決明敏庭無留訟人不敢

欺

畢原

原江浦人敬神愛民甚得政體

崔仕昭

仕昭為政有聲



胡日新楊廷佐蕭道昭彭日新劉宗貴王思禮

右洪武中任

趙伯閏劉士傑

士傑蒲縣人

一日濱州

均賦愛民剛毅廉介無所阿附

劉進

進青邑人

一日靖海

興學勸農尚廉恥不任刑罰

郭仲璉

右永樂中任

溫恭

右宣德中任

傅礪

礪錢塘人清廉能幹人不敢輕至其門

龔儀呂泰齊原銘汪榮

榮歛人沙寇殘毀治邑民亦有從賊者榮撫綏復業

右正統中任

金瑄

瑄山陰人清心寡慾政績著聞

右景泰中任

周忠

右天順中任

周書

卷之六十三

文蒞

二

熊可



林儉謝雍

雍揭陽人繇舉人廉能有為吏民憚服

費琦方崇

右成化中任

馬昇

見延平府同知

陳質李橫李雍

右弘治中任

吳盈楊脩

脩無錫人以舉人任時遭寇亂撫集離散民稱復業

一載以憂去

周選周必復

右正德中任

王心江一桂

一桂婺源人以舉人任制黠胥剗批政構書院置學

田有師帥父母之稱民建祀以與宋令趙紡夫並祀

終廣西副使

吳彥良梁隨朱良訓何孟倫

孟倫新會人以進士任清屯軍均丁糧置學田以贍

貧儒時彙考以造士顯建名宦鄉賢祠引泮池西入

之水以杜火災改巡司以防盜賊禁墟市假借抑勒

一蔬一菜價值毫不侵民終南部主事



童珂趙銳

銳桐城人以舉人任時邵武令欲移夫征于本邑銳

諍之得止

孫大學吳金杳天民皮志文

右嘉靖中任

應乾

右隆慶中任

關玉成梁英梁應球

應球番禺人以舉人任才超識敏洞灼奸蠹能使人

威重於大府

葛繼宋郭有春

有春南昌人以舉人任愷第公廉恤民愛士以不善

事上官去邑人作遺愛祀合祀四賢令曰馬昇曰江

一桂曰何孟倫而一有春也

張功庭宋九儀

九儀萬載人繇選貢任搜除盜賊萑苻屏息

葉夢熊倪壯猷區元望華士嶧項應瑞王良臣丘生

亮胡士龍

右萬曆中任

丞尉教官賢者附後



范錦烏程人繇監生丞縣耿介廉明以不阿忤當道拂衣歸

傅恭分宜人正統中簿宅心溫厚勤於職業沙寇犯境民多被脅從丞史皆遁去恭獨挺身率民兵悉力保障以利害反覆諭民民鮮從亂者

丁暹涇縣人景泰中簿老成多識剛果有為植善抑強脩廢舉墜滿考致仕

馬驤灤陽人洪武中邑諭有文行

張惟康洪武中邑諭見晉江縉紳

丁瑄東歸善人洪武中邑諭善教嚴規

陳激裏字元成南海人嘉靖中以舉人任教諭首以弟子入則孝一章開諭諸士朔望習冠射二禮束脩

餽遺皆却不受侍御聶豹聘為五經書院長平生行不疾趨立不跛倚目不旁視口不談是非無疾言遽

色愛好人倫自甘貧賤尤精音律截竹削桐皆能成聲雅歌若出金石遷國子助教

朱甫崇德人嘉靖中任教諭方正不阿邑椽有於衙齋睥睨者縛之廡楹人為肅然

沈大禮秀水人嘉靖中任教諭律已端方喜怒不形陞荊州府教諭





楊廷器萬曆中任邑教諭見寧化

浦照嘉興人萬曆中任教諭愛士疎財不立城府去

之日諸生攀送依依不舍

黃煜黃陂人洪武中任邑訓導有學行

李菑新城人洪武中任教諭勤於教誨稱良師儒

趙輔樂平人景泰中邑諭善於誘掖士樂從之

許繕臨清州人嘉靖中任巡簡慷慨好義有膽力二

十年汀寇剽掠黑原保繕夜半聞警進披其鋒追至

境外之塘坊賊伏猝起從兵皆遁繕陷潭中歿之賊

鮮其屍懸于林木民哀而祀之

漳州府

唐 漳浦郡

刺史一員 別駕一員 司馬一員 錄事參軍

一員 錄事一員 司倉參軍事一員 司戶

參軍事一員 司田參軍事一員 司法參軍

事一員 參軍事二員 文學一員 醫學博

士一員

刺史

柳少安

少安以秋官員外郎出知精天文地理謂龍溪可建



州治自少安發之徵赴司勳天文獻聖皇帝

右建中中任

韓泰

泰字安平初為戶部郎中以附王叔文貶虔州司馬  
歷漳刺史悉心為治官吏懲懼百姓安寧韓文公刺  
潮之日界壤相接見泰政事自謂不如及刺袁舉以

自代

李之行

之行唐宗室歐陽詹送楊據往謁稱之行天枝之英  
金鏡之明盛物之量秤物之衡人可知也

張登

登性剛潔介特始以巾褐就辟歷衛佐廷尉平監察  
御史改河南府士曹椽遷殿中侍御史漳州刺史居  
七年坐公累受劾吏議侵誣感疾卒登長於小賦氣  
宏而密間不容髮有織成隱起結綵蹙金之狀權德  
輿序其文以公幹景陽比之

右貞元中任

陸員外

佚其名

員外赴郡郎士元送以詩有含香臺上栢剖竹海邊  
州今朝永嘉路重見謝公遊之句



張九 佚其名

九赴郡時顧况贈以詩有促膝墜簪珥關幌憂琳球  
短題自茲簡華篇詎能酬之句

呂某 佚其名

某與白居易遊其刺漳也居易作詩送之

右元和中任

林簡言

見福清  
縉紳

張怡

怡為郡李羣玉贈之詩有井田異政光蠻竹符節深  
恩隔瘴雲已見嘉祥生北戶嘗嫌夷貊蠹南薰之句

右大中中任

王諷

諷自吏部侍郎謫守郡到州二日訪大師義中於三

平山中談禪論易深相印可

崔袞

袞為刺史有麻衣黎瓘者南海狂士也來過漳袞禮  
遇之瓘煩于席上喧酗為押衙王劄所惡鄉飲之日  
諸賓悉赴客司獨不召瓘瓘作翻韻詩贈崔使君坐  
中皆大咲崔使馳騎逐之其詩曰慣向溪邊折柳楊  
因循行客到州漳無端偶觸王衙押不得今朝看飲  
鄉讀瓘詩亦見袞之容人禮士也其後秩滿召還道

周書

卷之三十三 文蒞

三

熊可



逢張蠙贈之詩有在郡多殊稱之句

黃碣 見閩縣

右咸通中任

南唐

刺史

張清溪董思安

思安身長九尺勇冠一時朱文進殺閩主曦而篡之

署其黨黃紹頗為泉州刺史時審知子延政亦僭號

建州思安因與雷從効王忠順合謀興復王氏殺紹

立延政從子繼勳為刺史其後南唐兵攻建州思

安與忠順領兵赴難戰數不利或說二人以去就計

思安曰吾輩世為王氏臣危而去之天下有容我者

乎衆感其言無有叛者城陷忠順力戰歿之思安全

衆奔歸泉州後南唐以為漳州刺史從効弟從願為

副使醜殺思安自領州事

宋 漳州

知州事 通判軍州事 軍事判官 軍事推官

刑文各一員 諸曹官錄事參軍 司理參軍 司

法參軍 州學教授一員

本州武官兵馬都監一員 兵馬監押二員



監都稅務一員

知州事

陳文顥附見君長志劉援于翊

右太平興國中任

張徹

右雍熙中任

邵某

右至道中任

司空坦石某

右咸平中任

王言徹見晉江縉紳

右景德中任

召成範舒雄王冕劉有方

右大中祥符中任

劉滋吳耀卿

右天禧中任

劉起

右乾興中任

章迪劉有政林休復

右天聖中任

周書



陳永錫方慎從 見莆田 縉紳

右明道中任

劉適 縉紳

右景祐中任

丁誦 縉紳

右康定中任

蕭禮凌景陽 見仙游尉 中封

右慶曆中任

方慎從 復任 杜彬章東之

右皇祐中任

許異 見興化 縉紳 向綜鄭偕葛闕陳侁

右嘉祐中任

郭永 縉紳

右治平中任

臧論道宋宜 見同安 縉紳 許當 見晉江 縉紳 馬淵鄭蒨

右熙寧中任

陳冽黃稹 縉紳

右元豐中任

楊孝孺曾孝綽 見晉江 縉紳 蔡立范峒

右元祐中任



徐師貢楊嘉言

右紹聖中任

王譔王嘉言陳次升

見興化  
縉紳

右宗寧中任

方穀陳知先

右大觀中任

江準宋觀李陵

右政和中任

陳顯仁胡惕

見惠安  
縉紳

李康方翼余溷

右宣和中任

密禮字叔厚北海人以徽猷閣直學士知屬有巨寇

起建州聲撼隣境密禮牧民御衆一如常日訖以無

事爲人篤意經術博覽強記直道自任才高氣剛仕

終寶文直學士知紹興府卒進爵高密侯

右建炎中任

黎確吳次賓王辟章陳國瑞馬隲廖剛

見延平  
縉紳胡銓

見建寧  
文蒞

李彌遜

見連江  
裔派

韓岳李莊張成大劉才邵

才邵字美中廬陵人中宏詞科親老居閑十年廖剛

薦之累遷中書舍人兼權直學士院紹興十六年爲



時宰所忌出知漳州建郡治道院城東鑿渠十有四為閘與陡門以瀦以泄灌田數千頃仕至權吏部尚書加顯謨閣直學士才邵氣和貌恭方權臣用事之日雍容遜避以保名節所著滌溪居士集行世

王謨鄧邦寧見邵武溫革陸渙趙叔涔陳康侯趙逢

汝舟王晞亮見莆田右紹興中任

林孝澤見莆田右隆興中任

黃瑀見閩縣趙不溢高禹劉度何侑

侑字德器龍泉人以大理寺丞出知嘗謂官無閑劇要以公勤廉正為主入仕二十餘年多著蹟用嘗作

天爵銘吏治戒并歎習一篇皆中薄俗之病

陳俊卿見莆田右乾道中任

劉敏求見晉江趙公綱見宗林椿劉敦義陳仲諤何

萬黃啓宗

啓宗以朝請郎知清廉律已撫字有勞秩滿詔書嘉

勞除秘閣脩撰使再任續除廣南東路提舉

林元伸傳伯壽見晉江王晞亮復

任

文蒞



右淳熙中任

朱熹見建陽

鄧驛見沙縣

陳守

右紹熙中任

趙伯暹見宗室

傅伯成

陳樸並見晉江

右慶元中任

方銓

俞亨宗見大田

右嘉宗中任

毛密

右開禧中任

薛揚祖錢密趙汝謙見宗室莊夏見永春胡察張聲道

聲道鋤治女姦胥聽訟無時至輒審遣

葉元汴傳壅

見晉江

鄭昉

昉至建新郡學

危稹

稹字逢吉臨川人登進士博極羣書洪邁稱其文踔

厲雅健宗伯倪思薦之曰得此一士可以報國累屯

田司郎官上言國家治亂之故忤用事者出知漳州

漳俗親歿不葬往往攢寄僧刹稹營高燥地為義塚

三約期責之葬其無主名若有主名而力弗給者官

為塋之郡西北隅臨漳臺可頰一州之勝稹作龍江



書院橫經講說士類歆動經總制無名錢雖經前守趙汝諧奏去五之二民尚以為厲積悉疏罷之

右嘉定中任

方宗

宗增闢貢院

右寶慶中任

趙伯駿江模

模築州石城

李勳見建安

右紹定中任

趙以夫見宗

鄭寅見永福

劉克莊見莆田

李平右端平中任

李韶見連江

張燁張一作李

徐桌

右嘉熙中任

黃村方來

來字齊英永嘉人累官權兵部侍郎以親老乞外知

漳州行鄉飲禮闈南街置東西備安庫建道源堂祀

朱文公以北溪陳淳配景定初除寶章閣待制

王璞章大任

大任金華人興利除害知無不為崇重學校獎勵諸



生

劉克莊再任

右淳祐中任

方應發

見莆田縉紳

文及翁

右咸淳中任

通判州軍事

李幹劉奕林杞

右慶曆中任

李平王浹

右皇祐中任

鄭惇仁

右至和中任

劉勳李之翰

右嘉祐中任

張知常安保衡

右治平中任

鄭蒨石選張知古張植石百能柯述

見南安縉紳

李宣叔

宣叔倅州王安石送之詩有君能喜節行文藝文該

博超然萬里去識者為不樂之句

右熙寧中任



蘇子元俞括楊注

右元豐中任

鄧甯

見沙縣  
縉紳

陳粹許長卿

右元祐中任

周明之方穀

右紹聖中任

周兌

右元符中任

石亞

右建中靖國中任

朱寘

見興化  
縉紳

右崇寧中任

黃因

右大觀中任

華鎮陳高林元定

右政和中任

陳驥蔡亢黃琮

見莆田  
縉紳

右宣和中任

林卽

右靖康中任



顧端禮

右建炎中任

李長民顧丙趙不棄梅充實宗庠趙恂高棐吳昭侯  
文仲林安宅方暘趙勣之朱定國蘇文瓘辛敦傳自  
強李閎之

右紹興中任

趙不敵見宗室

右隆興中任

陳文中余邦式趙伯璫朱麟

右乾道中任

陳嶧孟鑄祝鏐趙蘊李訖見晉高陳仲珪陳莖

右淳熙中任

高伉朱曾黃巖卿

右紹熙中任

丘微之陸侃方壽曾

右慶元中任

劉榘雷筠

右嘉泰中任

張大任

右開禧中任

開禧

卷之六十三 文蒞

四五

葉完



林寅黃之傳林潛謝斐伯陳屋董履道董一作黃鄭渙  
渙任郡判代去父老攀雷解佩以別今郡中有雷珮  
亭

曾治鳳見晉江許經

右嘉定中任

黃官

右寶慶中任

王必正見尤溪鄭斐林有宗錢相郭子力見仙遊

右紹定中任

頂傳文陳夢章

右端平中任

沈昌言趙彥巖

右嘉熙中任

謝溥湛顓皇甫鑑薛季良黃堅叟王震定卓得慶見莆

田縉

右淳祐中任

添差通判軍州事

鄭璵

右紹興中任

石起宗見泉州趙不龐趙伯瑱

同書

卷之二十三 文蒞

四

可



右淳熙中任

張斗南

右慶元中任

趙師懿

右開禧中任

方灼方淙

右嘉定中任

楊垓仲

右寶慶中任

王萬

右紹定中任

王邁

右端平中任

臧元曾薛喙

右嘉熙中任

鄭涇甫徐明叔王南

見同安  
縉紳

右淳祐中任

軍事判官

謝徽

見晉江  
縉紳

右祥符中任



蔡襄

見仙遊  
縉紳

右天聖中任

王世衡李珣何致遠黃景淵葉觀蔣介卿趙彥邁陳  
愿吳澄郎凱趙善倅陳乘之吳良顯周武孫趙汝珩  
陳夢昇趙必逮趙希融

右年任無考

軍事推官

王渥張世賢葉瑞游玠吳昂余伯寬黃大中蕭舜咨  
何圭林宜季黃桂張狝湯諶趙與暮鄭縝趙涇夫薛  
易年方東起陳雲老朱承祖趙希文高濤游清夫趙  
必洪陳豹孫

右年任無考

彭汝礪

汝礪字器資鄱陽人治平二年舉進士第一歷漳州  
軍事推官有能名王安石見其所著詩義薦補國子

直講

右熙寧中任

參軍教官賢者附後

錄事參軍林枏

中任黃鍾乾道中任

並見蒲  
趙

師憲

見宗  
室



司理參軍趙善綽

見宗室

方杰

中任

見莆田

陸夢

立咸淳中任

見本縣

司戶參軍蔡次傳寶慶中任

見晉江

司法參軍趙偕夫嘉定中任

見宗室

工曹陳可大政和中任

見仙遊

郡教授陳知柔

中任

見永春

劉洵直紹興中任

見莆田

葉儀鳳紹興中任復州學侵田

敖陶孫嘉定中任

見福清

陳光大淳祐中任復學侵地

趙崇璋淳祐中任

見宗室

元 總管府

達魯花赤

總管

同知

判官

推官各一員

經歷司經歷

知事

提控案牘

照磨兼

承發架閣

錄事司

達魯花赤錄事

判官

典史

本路儒學教授

學正

學錄

蒙古

教授

書院山長

醫學教授

陰陽教授各

一員

司獄司司獄及丞

府倉大使副使

雜造局大使副使各一員

惠民藥局提領一

員 稅務提領大使副使各一員

刑書

文蒞

三

熊可



要忽難至元中為達魯花赤築漳城漳人賴保障  
金璵至元初為總管淳厚廉勤吏不敢欺在任百廢  
具舉

張泉逸延祐間總管寬以郵民嚴以馭吏作興學校  
漳人翕化


鄒伯顏至元中判官見崇安文蒞

烏古孫良禎至治中推官見延平判官

羅良至正中摠管見汀州弁翰

陳君用至元中同知見漳浦弁翰

迭里彌實西域人字子初合魯溫蓋其氏也少以良  
家子宿衛忠勤畏慎為眾所推及長屢欲薦用之輒  
以母老辭母沒服除年已四十矣猶杜門無仕進意  
東宮素知其賢命中書奏官之擢浙江行省宣政院  
崇教累轉奉議大夫福建行省理問與平章政事燕  
赤不花同赴任時巨盜據省治不得入迭里彌實為  
平章畫策募民兵環攻之盜出戰輒敗度其勢蹙撤  
城東圍使得奔盜競出即勒兵殲之遂復省治時至  
正二十二年也尋轉漳州路達魯花赤屬兵燹之餘  
撫凋瘵繩豪徇詢庶政之利病而興革之  
朝洪武元年天兵下閩諸郡守臣相率迎王師迭理





彌實嘆曰吾有死而已俄報招諭使者至吏白當郊迎迭理彌實曰第往吾出矣朝服焚香北面再拜曰臣四十始仕不數年致位二千石國恩厚已今力不能禦義不忍降惟以死報遂引斧斫印刺血書笏曰大元臣子就坐拔佩刀自刎既死猶按膝據坐挺然如生民間迭理彌實死走哭庭下其聲振地共斂葬之東門外

高皇帝方崇獎忠節之士廟余闕安慶而迭理彌實之死有司不以聞故褒贈不及建文初戶部尚書履原吉始刻石以表其墓成化己丑春何喬新復命修之作祠曰表忠

閩書卷之六十四

文蒞志

漳州府

皇朝

知府一員 同知二員 通判二員 正德五年添設捕盜通判

一員 後革 推官一員 經歷司經歷 知事 照

磨所照磨 簡較各一員 司獄司司獄一員

儒學教授一員 訓導四員 陰陽學正術

醫學正科 稅課司大使 雜造局大使 副

使各一員 僧綱司都綱 道紀司都紀 常



平倉大使 副使各一員 丹霞驛驛丞一員

知府

尹勗

勗淮安人洪武初同知邵武廉謹公勤吏民敬愛陞

漳州守

按尹勗見邵武志而漳志第載君助二字註云失其姓蓋二字聯書遂致傳訛

潘琳

琳字師道維揚人以人才薦自南昌改知郡作新郡

治課農獎士寬嚴當可問學政事中外推先

許榮白壽

壽嶧縣人以監生擢剛介廉平治本簡要修學校增

廣生員文物一新

徐恭

恭字克敬永豐人以賢良方正薦署五軍都督府斷

事推讞稱旨擢知漳州長於吏事迎刃而解龍巖縣

叛賊魁黨皆已就戮官軍繫累其男女三百餘口送

府請置獄恭謂非不孥意以聞詔釋之龍溪縣赤嶺

寺有有毒氣中人鄉人歲時賽神多致喧闐恭率吏

卒責神殃民狀繫像擲江翌日雷震有巨蟒歿馬害

遂絕

胡添錫王仲謙



仲謙知漳州廉謹自持崇獎士類為政有方訟亦清簡

錢古訓

古訓餘姚人洪武甲戌進士以文章飾吏表旌忠孝激勵風俗甚有聲稱

李晟

右洪武中任

薛某葉亨及文通

文通持身廉謹有惠在民境內祀典最加崇重奏設南靖縣小溪和溪寒漚三巡簡司以衛城社

右宣德中任

甘瑛

見邵武知府

李春

春興學愛民百廢具舉

右正統中任

馬嗣宗謝騫

騫當塗人正統乙丑進士歷監察御史政尚嚴明月港海滄諸處居民多貨番且善盜騫編甲置總聯屬人戶約五日齋牌赴府點驗近海違式大船悉令毀之度可五尺六尺烙以官印許朝出暮歸不歸者甲總以告不告連坐之一時盜息民安



右景泰中任

周天民童信

童一作董

右天順中任

潘本愚

見興化知府

王文

文潞州人以舉人任行不飾詐廉不沽名郡人陰受其福

張瓚

瓚字德潤番禺人天順丁丑進士成化十年知郡庭

有大鳥集樹舉首丈餘人以爲異瓚引弓射中之是

年秋山水大發人民漂溺瓚具船張筏多方救援先

發廩賑濟而後上聞遂奏減六縣租又以漳七專業

易延莆田鄭思亨授以尚書後多成就士民立去思

碑子詡最知名

姜諒

諒字用貞嘉興人天順甲申進士以南刑部出知值

歲歉海盜蠡起發廩賑乏招賊黨數十人其弗率者

簡練丁壯授以方畧擒其魁餘黨悉散築堤捍潮濬

塘置倉以備旱溢禁佛齋作義塚立鄉約建祠祀高

東溪陳北溪爲文以表迭監郡之忠義顧都司之保

障出榜文數十條勸諭範防張御史稷按閩報命考



諒有盜化民安語大學士李東陽問稷曰化易言哉  
稷曰漳人有某某者家為盜姜守撫諭之遂感化某  
有所試之也成化甲辰覲歸乞終養漳民懇請不赴  
弘治辛亥漳守闕耆老數輩請之 朝庚申又請

皆不果赴家居廿年自處嚴甚齒德並尊屹然鄉望  
謝文肅鐸與善稱其廉介之節終始一致

劉瀚

瀚吳江人天順丁丑進士愛民禮士廉以律已嚴以

馭吏

鄭文

文字載道南海人成化丙戌進士歷監察御史覈帑  
通州劾戚畹掎剋謫黃巖令擢淮安同知丁艱起知  
大名改漳州居官廉明剛果吏胥無所用奸民多通  
夷緣而劫掠文嚴禁之鮮敢犯者卒官

右成化中任

汪鳳

鳳字天瑞弋陽人成化乙未進士知漳州時境內盜  
起鳳不過家赴任引兵蹙之在官數年恪恭祀事誘  
廸生徒訟不決者命耆老雜議必盡其情有以事不  
見直誣奏及守復下郡理鳳殊無齟齬平心折之擢



貴州左叅政未任卒鳳宏濶淳厚爲文汪洋渾樸尤  
知當代典故四子僕俊偉佃皆登進士而俊爲禮部  
尚書佃見本省僉事

彭桓

桓吉水人弘治庚戌進士歷禮部郎明敏嚴毅人不  
敢犯初下車有豪爲民患立置之死物情欣快修南  
橋重學校考課諸生公平不爽丁艱去民懷之

羅列

見福建叅政

右弘治中任

陳洪謨

洪謨字宗禹武陵人弘治丙辰進士起家部郎擢守  
漳時年三十有七郡人以自郎署出又少年頗易之  
洪謨虚心諏訪旬日間得蠹民老吏一二人置之法  
遂大驚服郡有巨寇林廣周負海嘯聚設策盡平之  
取呂氏鄉約諭民以止浮屠囂訟之風廟學樂器久  
壞求泗濱浮磬請神樂觀知音羽士選俊民百餘肄  
習仍刻大成樂譜傳焉適琉球使者過漳聞而來觀  
皆合掌捧歎一日習儀開元寺見寺後有朱文公祠  
已敝壞祠後有峯僧廬其下而額扁仍舊爲芝山書  
院遂逐僧出祀文公其中以陳北溪黃勉齋蔡九峯

周書

卷之二十四 文蒞

六

思



為配又遴選庠生數十人延請莆田方伯周瑛及其子會魁大謨為之師友郡志自文公纂修之後久未有續并請周瑛修纂之守漳之三年海濱居民見有大鳥飛過遺一尾水邊長七八尺五采炫煥詫為鳳毛拾以獻洪謨寘庫中畧不為異後鎮守太監遣人來取洪謨曰久焚矣赴部考察大為楊公一清石公瑤所知陞江西叅政仕至兵部左侍郎

潘旦

見邵武知府

鍾湘

湘字用秀興國州人弘治壬戌進士以戶部歷郎中出知南靖賊詹師富等聚眾劫掠震動三省朝命合殲之臺官之長奉檄督重兵屯漳芻粟費日不下數百金悍卒不可法御湘區畫誓戒率死士搗巢穴縛首惡諸脅從者給牛粟遣之賊皆感泣不戰而巢遂空海寇聞之亦皆就降復奏立平和縣為久計以靖寇功進階三品食叅政俸歲饑賑濟有方活人數萬忽嬰疾篤庫有羨餘數千署印僚欲剖而私之湘曰君以此污吾九泉之下亦不相放悉籍之擢廣東叅政未行卒漳人像祀焉

右正德中任

張鵬

周書

文蒞

文蒞

文蒞

三百九十七



鵬洪雅人弘治乙丑進士以御史陞任明敏英發激  
奸振滯撤新治堂有靈石裂決漲木千章來會城下  
漳人詫為神相在任年餘以才見忌暴病卒人惜之

詹瑩 見福州府 陸金

金吳江人正德丁丑進士歷工部郎中初至計擒妖  
賊人偉其功後家居貧甚足占守矣

孫裕

裕鄞人嘉靖丙戌進士以大理寺正出知剛毅有為  
計擒劇寇

顧四科

四科字齊賢嘉靖壬辰進士平易簡靜析楊不試未  
嘗妄罰人一物民有親戚相訟者以理遣之服毒圖  
賴者重反坐禁時有七不肯七不曾之謠

盧璧

璧字國賢盱眙人嘉靖戊戌進士行鄉約興祀典修  
祠廟續郡志嚴明廉潔雖盛暑公座不廢衣冠聽訟  
親自裁決杜絕請囑不避權貴獎進孤寒所取多名  
士士大夫有行誼者雖卑秩事之倍恭

李僑曹三賜

三賜宜興人嘉靖甲辰進士廉靜寬和聽訟必本人



情推法意值兵興後清尺籍革詭冒實備固圉四境  
帖然歷刑部侍郎

李光宸桂嘉孝

嘉孝成都人以進士任寬恕廉潔饒寇犯郊創守城  
器具建敵樓備夜宿郡賴以全擢兩浙鹽運使

唐九德

見福省副使

右嘉靖中任

葛綸

綸以進士任誠朴剛方在任一年因事忤上官托疾  
去百姓思之

羅青霄

青霄忠州人嘉靖壬戌進士自兵部郎任伉爽自喜  
兩造當庭剛果立斷葺郡志修文廟及朱文公祠創  
天寶學田以贍士築八卦樓郡城東用發地勝增建  
敵臺作四門月城固守圉以月港寇亂因通販禁嚴  
請當道弛之軍餉故有額自汪中丞加派丁四米八  
民間重困議徵減半遂得爲例又建議除客兵練土  
著等一十八事駁見之行以挂議致仕去

右隆慶中任

劉志業陸從平曹銳周鐸李載陽

文蒞

文蒞

文蒞

思



載陽蘄州人萬曆丁丑進士以南御史來守郡精敏強幹吏民畏服加意學校請復科舉舊額郡中饑勸糴有法浙兵夜譁廉渠魁置之法餘悉讐服

李日文揚維嶽韓擢方學龍閔夢得袁業泗

右萬曆中任

同知

侯淵劉夢從

夢從南昌人從

高皇帝起義兵有功官同知

漳州歸田麻城遂為麻城人莊襄天和其後裔

梁玉

玉監利人以賢良方正任廉介勤勞用征倭勞疾卒貧不能歸龍溪尹劉孟雍葬之名第山寓籍焉

右洪武中任

夏振

振南昌人重厚廉明士民愛慕

右永樂中任

金勉王琰李恕張瑾閻鰲傅佐章俊胡珉  
珉廬州人忠厚老成立政清簡

右正統中任

蔣濬



濬字希舜新會人正統甲子鄉薦積學能文慈祥愷悌學士丘濬亟稱之成化初知晉江明清勤慎政務利民獄非重犯悉縱遣之以其鄉穀種予民教之播耕民名稻曰蔣家稻秩滿遷郡同知蒞政如爲縣時

吳黼

黼華亭人以進士任廉而有爲愛民禮士

何璧光

右成化中任

謝珪張翻馮逾汪中

右弘治中任

許奎程寬

寬字栗夫歙人領鄉薦歷知四縣皆有治聲遷建寧府通判部使者察其寬廉檄主海口鹽政期年國課贏衍有大豪相構作亂寬畫方畧討平之改本府同知清儉無擾以忤逆瑾歸

鍾芳

芳字仲寶瓊山人正德戊辰進士以翰林編修改寧國推官遷本郡同知學博而精教民勸士折節爲恭讓官至戶部侍郎

上官崇陳昊賢

周書

卷之二十四

文蒞

七

林



吳賢字乾及番禺人弘治鄉薦以臨江判擢郡同知  
宸濠稱亂徵兵協討上官檄吳賢行禡牙就道人皆  
壯之

右正德中任

徐倫張遠謝紘楊麟閔旦包梧

梧字子木鄞人嘉靖壬午鄉薦設奇鉤致捕繫瀕海  
盜不遺餘力百姓畏之號曰包虎為文奇詭雄俊自  
成一家有白厓集其真非過主賦口盟文限手四  
龍遂

遂永新人嘉靖乙未進士選刑科給事中因忤分宜  
相外謫稍遷漳貳守端方耿介以廉吏聞

劉志學許鑰

鑰錢塘人嘉靖辛丑進士篤實愷悌刻醫書以濟民  
吳邦寧張牧劉宗寅

宗寅萬安人溫恭練達署府縣皆以操持見稱奉檄  
按八郡賦弊革事舉陞武定知府

鄧士元

士元徐聞人以監生任本府推官才識明爽幹辦勤  
勞撫處月港頑民會剿饒寇張璉皆有功陞任海防  
本府添設海防同知自士元始歷本省鹽運司同知



仍管海防以才留也

葉世德

世德字有懷樂清人居家孝友嘉靖甲子鄉薦初授  
廣昌令冰蘖自矢轉本府同知府有番舶之稅世德  
力革夙弊謝絕餽遺

右嘉靖中任

龔芝李畿嗣

畿嗣蘄水人嘉靖壬戌進士繇繕部外調稍遷爲郡  
丞溫和通敏署郡半載遇事若不經意廼疑訟滯獄  
堆案盈几一日輒數行下片言立折與諸屬約徵輸  
訟律雖事峻程嚴但文牒催督而已終不遣一吏卒

至縣歷廣東副使

羅拱辰

拱辰馬平人時郡守羅青霄議建敵臺以備敵卽城  
垣創威鎮閣以興文事知拱辰有精思悉委成焉閣  
踞城垣因濠爲基至孤峻拱辰取纜梗縛臺式樓櫓  
雉堞儼然而具較量木入地若干尺四維支柱層累  
若魏凌雲臺銖兩悉稱也其後郡屢遭颶風地震之  
患所在傾圮而臺閣巋然漳人皆稱羅公非獨廉且  
能也僮工般巧若天授焉



殷康

右隆慶中任

沈植朱一松

一松寧國人直亮洞爽雖遭挫謫不改其度

周裔登沈銳姚應龍

應龍慈谿人繇舉人任銳意興革綽有石畫發帑金

儲海庾繕築各汛營堡酌修造以飭戰艦精簡閱以

清尺伍負海萑苻暴客無得竊發如平時至其揮霍

磊落每與僚友縉紳登臨名勝卽席賦詩翩翩質有

其文馬

鄭堯章

堯章東莞人繇舉人任居官清約五載一致而寬仁

樂易未嘗以喜怒輕笞筆人謹事上官然亦當禮而

止擢刑部員外郎

王應乾霍奎舒九思羅萬里羅良信陶拱聖

見延平知府

杜獻璠沈有嚴

有嚴字士莊宣城人先為福州通判陞本府同知廉

明不苛吏民畏服

龔朝典盧崇勳

右萬曆中任

文蒞

文蒞

文蒞

林



通判

王禕

禕字子克義烏人嗜學博通羣書以元儒見

太祖官起居注出同知南康未幾召還議即位禮忤旨出判漳禕在漳疏言人君祈天永命在於修德而修德之要有二曰忠厚以存心寬大以為政凡數百言深見嘉納嘗作漳南十詠紀載風土漳人傳之其十詠詩曰漳水南邊郡閩鄉到此窮地偏冬小雪海近夜多風百粵山川屬三吳景物同昔賢遺化在千載紫陽翁其二此地多煙瘴時清喜漸除阻山猶賊

盜並海盡鹽魚田稻春秋種園薑伏臘需不才叨郡

俸廩祿頗贏餘其三奢競仍民俗纖華亦土工盃盤

簫鼓裏燈火綺羅中茉莉頭圍白檳榔口嚼紅良宵

上元節紈扇已搖風其四近歲兵戎後民風亦稍衰

番船收港入畚酒入城遲綠暗枕榔樹青懸橄欖枝

薰風荔子熟舊數老楊妃其五可是閩南徼陽多氣

候先麥收正月盡茶摘上元前綠笋供春饌黃蕉入

夏筵南風吾所適久住亦相便其六文物如鄒魯斯

言信不誣科名唐進士道學宋先儒祠宇依山曲遺

書布海隅風流今孰繼林子亦其徒其七是處方言



別漳南覺更强兒童皆喚困男女總稱儂不雨猶穿  
屐因暄盡佩香人人牙子紫都為嚼檳榔 其八 山秀

英靈聚溪清爽氣開水晶疑石髓月彩耀珠胎珉紫  
裁為硯犀花解作盃最憐沙上草顏色在根荄 其九

試上南樓望羈愁覺易消兩溪遙合港大海暗通潮  
白露垂青野丹霞映碧霄夢神曾獻吉日暮不堪招

其十 郡署經年久吾來為一新重門森畫戟別駕儼  
朱輪榕葉軒陰晚梅花閣氣春祇憐去國遠為政愧

能循禱居漳一年召修元史後奉使雲南為元脫脫  
所殺贈學士諡忠文

右洪武中任

郭朏

朏涇陽人秉心公勤民蒙其惠

梁定玉

定玉茂名人居官知大體催辦公務不擾而集

右永樂中任

關諒彭道初沃能

右宣德中任

孫桂 一作高曇

曇字景雲無錫人繇國子生任鄧茂七構亂府使曇



督餉賊欲掠其芻糧以刃脅之曇厲聲曰賊也上勞王師下毒黎庶亾無日矣敢肆猖狂殺父母耶賊怒竟殺之

劉敏學

右景泰中任

李鉉

右天順中任

謝諒

諒安福人廉介有為行所無事去後見思

袁釗

右成化中任

岳鎮梁統

統崑山人以舉人任賊溫文進叛率兵隨副使司馬聖直搗巢穴賊恃藥弩統以布帳收之卒平賊

劉英周諤

右弘治中任

羅甫

甫永豐人以舉人任催科不擾關節不行卒官

阮芳龔震李一寧杜昂葉燁聶仕

仕字本學清江人以舉人任廉介自持平海上劇寇

周書

卷之六

文蒞

七

林



所獲金帛悉籍于官視郡篆反風滅火禱雨濟旱以  
父喪感疾卒漳人思其廉惠祀之

潘文明

文明揭陽人以舉人任廉明有聲加意行徃時叛囚  
遮殺有司相戒勿犯潘府倅一人而已

右正德中任

施福

福歸安人以監生任繼聶仕之後民為謠曰聶公清  
入骨施公直如佛

陸敞向榮吳邦祐閔曾陳必升陳賢史鶴陳岳長  
梁峻周南陳涑王滢蒙佾周如山金擡陸體仁

體仁蘭谿人以蔭授官愷悌清潔署龍溪漳浦二縣

聽訟明敏關節不到一菜不取諸民

翁燦謝承志黃元恭

元恭鄞人沈靜寡欲政簡民安未半載憂去

吳守貞劉策汪烜俞仲岳汪銓唐大輅呂克周耿王

銑劉漢劉守陳

右嘉靖中任

吳用章

用章廬陵人繇舉人任才具宏廓文學優長職專督



儲往追輸者浮費倍正額用章掃而更之時征海寇  
軍務旁午餽餉咸應期輸辦以得成功嘗署龍溪漳  
浦二邑公廉明決暇日課教諸生所得士後多顯者

右隆慶中任

曹澤

澤婺源人繇舉人任司郡儲滌弊蠹絕苞苴宥貧難  
雪冤滯三年清白一節卒官貧無以殮輿隸編民咸  
賻助焉

王新民黃在素尹禮繼蘇光漢

光漢順德人以舉人任惠安知縣簡厚沈密植紀維  
風不翹翹邀能異之名而實釀安靜和平之福陞本

府通判

王遵路謝朝聘馬基彭創基王美韶劉伯輝章某梁  
維梓俞咨益羅文安李應聘李槩陳欽福甯瑄鍾顯  
張道傳呂繼梗

右萬曆中任

推官

朱德銘

右洪武中任

戴宗輔



宗輔海陽人以舉人任詳刑折弊人心悅服

右永樂中任

潘隆

右正統中任

黃性吳性周輝

右景泰中任

鄧紀

右天順中任

江白王經張德廣簡程謨霄張新陳經

右成化中任

孟武齡馮賢林鶴

右弘治中任

嚴績許廷用胡寧道

寧道江陰人繇舉人任公明廉介理刑詳慎

右正德中任

周文光黃直

直字以方金谿人嘉靖癸未進士署縣漳浦大興學

舍每與諸生講論日中迺退後署長泰治亦如之直

居官必行其志得失不以動心遭讒逮獄怡然誦咏

事白二邑士民贈之金悉委修學已入京改判沔陽



未行復用直諫謫戍隆慶初贈太僕寺少卿

董世康毛鱉郭嘉賀張治道陳信李日森李文翰鄧

士元

見本府同知

劉思聰

中西

右嘉靖中任

梁大中尹瑾

瑾東莞人隆慶辛未進士明敏仁恕民以訟至宛轉

開譬令悔服獄有枉濫輒為平反郡邑質成咸乞尹

公至所當坐雖受榜笞不恨衙舍命蒼頭闢畦蒔蔬

出俸錢易鹽米嘗署郡兼攝諸館及署龍溪事事大

治政暇召諸生教督之得快士喜動顏色雖童儒以

執經至訓誨亦如之擢給事中陞南太僕寺少卿遇

漳人北上者必問舊士民何似漳士民思慕焉

入右隆慶中任

丁此呂

此呂字右武新建人萬曆五年進士明敏精嚴至任

之初文牒叢委此呂日坐堂決判居數日一空吏隸

傍立若木偶為人磊落意氣盡友天下士召為御史

疏論南京考官試目媚竈為當事者所不悅出為浙

江僉事竟為忌者所中坐黜時論枉之

聶應科龍文明王大益王世仁張南翀張應奎蕭基



右萬曆中任

幕僚教官賢者附後

方佐字用輔鄞人宋莆人方軫之後也永樂戊子貢  
上春官卒業大學預修大典書成授漳州府簡較以  
才見稱後爲南康同知用楊文貞公士奇薦超陞廣  
州知府人以比古龔黃之流

曹瑤永豐人正德七年以椽任都事署龍溪縣事得  
人心

周期亨西安人嘉靖中以椽任知事署平和縣饒寇  
張璉攻城期亨與典史談蘊領鄉兵戰城下賊少平  
和期亨鼓行甚銳賊驚謂有大兵至蘊麾衆疾擊之  
多所擒獲

陳思賢茂名人洪武中教授以忠孝禮義帥士每部  
使至隨例叅謁畢必進問聖躬安否

成祖靖

難詔至召生徒伍性原陳應宗林珏鄒君默曾廷瑞  
呂賢六人於明倫堂相與慟哭曰明倫之義正在今  
日因卽堂爲舊君位哭臨如禮被繫人京而六人皆  
歿

胡浩正德中以舉人任教授親爲諸生講解寒暑無  
問



陳九霄番禺人嘉靖中以舉人任教授節介寬和取與有道卒官

黃澗字元浩潮陽人景泰中舉人授沅州學正改萬州貶漳州訓導卒于漳澗少時父客死處不能歸骨歲時薦奠輒西向哀絕及長母沒遂走歸父骨人稱其孝其卒也漳人士哀慕之

譚文昇石城人弘治間訓導待諸生有恩陳仕通曲江人嘉靖中以監生司訓輕財好義愛人以德

胡鈞新喻人嘉靖中以監生司訓篤實善教待士有

陸諭常山

廖文衡龍陽人嘉靖中以歲貢司訓學問該洽教規

嚴整陞泰寧教諭

胡宗華郭惠並見龍溪中任訓導陳一愚萬曆中

任訓導見閩縣

劉縉永新人萬曆中訓導忠厚勤篤有古文名

龍溪縣

唐

令丞主簿尉各一人

令

周書

卷之六十四 文蒞

三

一百六十一



席宏

右景龍中任

宋

知縣事 丞 主簿 尉各一員 儒學學正

學錄 直學各一員 學諭四員

知縣事

張慶餘孫及起岷

右大中祥符中任

楚繼芳王衮人嘉祐中以貢士

右天禧中任

謝徽 見晉江 王昌符

王紳 右天聖中任

邵峻 孟化成

右景祐中任

樂富國

右寶元中任

梅佐 張繹

右慶曆中任

馬隨 范宗言

右皇祐中任



劉儼

右至和中任

許儀劉孝廉

右嘉祐中任

閻維

右治平中任

古宗說李上儋張紀鄧甯

王晦蔡均

右熙寧中任

右元豐中任

林樟夏臻上官衍

許穀

右紹聖中任

方醇道

右元符中任

吳千

右建中靖國中任

李庚

右崇寧中任

文蒞

文蒞

文蒞

文蒞

文蒞



崔國鎮

右大觀中任

林廸

見莆田

陳律

右政和中任

鄭雄聲張濬曾履

右宣和中任

杞開

右建炎中任

潘湛劉綱許夔陳孝則陳積中高維寧陸竑辛永世

王康德王維則陸俱石如燠

右紹興中任

鄧森

右隆興中任

劉公持馮陶叔郭彌大

右乾道中任

劉希旦楊嘉積趙俛夫陽易林世用趙不病翁德廣

見甌寧

右淳熙中任

王褒

右紹熙中任

周書

文蒞

一百四十一



段碩輔李鼎劉褒

右慶元中任

陳光祖

右嘉泰中任

傅伯瑞

右開禧中任

林大章陳士會方祖同陳壽李宗達鄭慶孫江叔豫

右嘉定中任

林及之

右寶慶中任

傅天驥

見南安

蘇應衡

右紹定中任

趙絳夫

右端平中任

黃師雍

右嘉熙中任

陳駿之趙時儁潘津黃端叟陳子實

見本縣

右淳祐中任

承簿尉教職賢者附後

儲惇叔崇寧中丞

見晉江



王濟字巨川政和初補龍溪簿時調福建輸鶴翎為箭羽鶴非漳產而督責甚急一羽至數百錢濟諭民取鶩翎以代仍驛奏其事詔從之且令旁郡悉如濟請汀州以銀冶構訟十年不決逮獄數百人轉運使命濟鞠之數日盡得其情坐者數人而已

卓先淳熙中簿見莆田楊宏才紹興中尉見晉江李

次辰紹興中尉見莆田諸葛廷瑞紹興中尉見南安

元

達魯花赤 縣尹 主簿 縣尉 典史各一員

儒學教諭 訓導各一員

唐大年以行省知事攝龍溪尹布德肩鉅吏不敢欺民遵其令

鄧朝陽龍溪縣尹政先興利除害教民擇學行士為

鄉師

皇朝

知縣 縣丞 主簿 典史各一員 儒學教諭

一員 訓導二員

知縣

張可大見將樂楊保誠劉憲方以銘劉孟雍

孟雍南昌人釐革宿弊吏畏民服遷祁州知州縣民



奏留得旨再任

高輝

右洪武中任

施誠徐某俞某相儒趙季通

季通字師道天台人繇教官知永豐縣歷龍溪縣寬

厚愛民與修洪武實錄累擢博士司業與司業董子

莊同被選為趙府左右長史親藩輔導之良一時以

二人為極選

右永樂中任

沈庸

右宣德中任

顧鴻

右正統中任

黃霆梁滿

右景泰中任

周琳

右天順中任

張寧林璞朱琳倫善李燦

燦字廷信蒼梧人以進士任有綜理才陞瓊州府同

知

周書

卷之二十四

文蒞

七

一百五十四



右成化中任

凌鳳李景芳

景芳宜山人以舉人任廉潔慈直用度樽節調海豐

令

姚鵬

鵬崇德人明敏才幹以艱去民思之

右弘治中任

劉英汪泰史立誠曾鵬見副使黎良

良字以時蒼梧人以舉人任聰敏博學居家孝友卒之日殯殮不能自給

右正德中任

羅胤元俞璉劉天授見按察使王鑄李成寅林松

松揭陽人以進士任作興學校陞南戶部主事

王相蔡亨嘉朱褒張宰羅煥章

右嘉靖中任

鄭用夏李聯芳

右隆慶中任

范鳴謙

鳴謙字貞夫江陰人隆慶五年進士明敏果斷勤恤民隱飭兵防作士氣縣有浮糧千六百石久為民累



鳴謙以泥泊之田攤補之補懸之外尚有餘額龍人百餘年疾苦一朝若失士民碑頌焉

褚棟沈昌期

昌期太倉人萬曆十一年進士平輸民賦不入收頭之手官徵寺田以備軍餉毋令寺僧得藉口軍爲奸利愛人禮士雖兒童走卒咸得歡喜擢吏部主事後奉旨謫潮陽尉道龍溪士民攀留遮道

王士昌蔣良鼎

良鼎武進人繇進士授尤溪知縣愛民興士慎催科革爐冶僉鹽戶散社倉編保甲講約調繁長泰至則曰此與治尤異迺以公嚴爲理或言其執曰予之執

也迺所以爲通也其課勗諸生輒言當以天下第一等事自任旋調繁本縣繼以憂歸囊橐蕭然

蔡承甲陸崇禮呂純如袁業泗陳于京計元勛吳奕

右萬曆中任

佐貳教職賢者附後

劉伯翼永寧人永樂中丞均賦役省徵科施爲有方操持無失

趙善端新會人弘治中以監生丞縣事上不諂持廉居寬人稱良吏



黃文煜羅定人萬曆中以歲貢任丞有清聲

陳思謨萬曆中任簿見永福知縣

曾瓊廣東長樂人成化中以貢士任學諭循介獨持寬嚴相劑以馴行推鄉里

黃學表字繼甫從化人正德中以舉人任學諭待士有恩意以德行文苑示賞罰未久卒官士思之

吳國用星子人繇歲貢嘉靖中授沙縣訓導陞本縣教諭真誠篤行口無偽言時稱長者

關文英南海人以監生正德中司訓學識閎深口不及利

王憲春臨川人嘉靖中繇歲貢任訓導以講學訓導生遷永安教諭

朱顏宣德中任濠門巡簡竭力奉公有守有為計獲逃軍百十三人事聞 上曰巡簡以訐奸為職

盡心如此其陞縣丞以勵來者

漳浦縣

唐懷恩縣

令丞 主簿 尉各一人

令

李圭



右景龍中任

周漢傑

見龍谿周匡物傳

右元和中任

尉

鍾紹京 穎人開元初以善書直鳳閣討韋氏有功夜拜中書侍郎叅知政事明日進中書令越國公後與劉幽求俱以怨望得罪再貶懷恩尉開元十五年復其官至太子詹事壽八十卒紹京嗜書畫如王儲真述藏家至數十百卷與幽求等乘時取功名如反掌亦奇男子也

宋

知縣事

丞

主簿各一員

尉二員

儒學學

正學錄

直學各一員

學諭四員

監商

稅務二員

巡簡二員

知縣事

吳世範

世範連州人咸平進士有善政署上考詔書褒美後

繇太子中舍遷殿中丞

陳坦然

坦然梧州人博學善屬詞膽氣弘壯臨機權變迭出

周書

卷之六十四

文蒞

三

然祥



景德中舉進士未第歸值宜州兵殺守帥脅判官盧成均以叛擁衆數千人攻象州坦然以成均同郡單騎行賊圍射書帳下爲陳禍福成均遂自投順復諭平容境賊事聞朝命本郡敦遣赴闕與官仍賜錦袍銀帶悉讓不受願回前恩以就殿試後自餘杭簿擢令漳浦再以吏推佐桂州幕復有諭降叛卒功仕至太子贊善大夫中丞

右天聖中任

呂璫 見晉江縉紳

右景祐中任

李錫黃安國施珪高公極錢大榮林聘王谷陳貫通貫通遷學建縣治

陳致一

右紹聖中任

張大卞

右重和中任

歐陽直卿 見莆田縉紳

右紹興中任

吳自得黃輒余嶢連洞

右年任無攷



薛世清

右乾道中任

傅湊陳士英王瞿王惟深

王一作黃

李誼趙師讜王侃

見南

安縉

傅希龍

見仙遊

柯知彰

見南安

陳公紹許仲容

右年任無攷

葉才老

右慶元中任

黃自求沈造

造字次仲縉雲人海寇將入境聞造政聲悉引去

陳舜申

見連江

李欽止高稷趙崇祉

右年任無攷

歐陽賡

右嘉定中任

趙師縉

師縉不知何許人先是學官災師縉至易方重建以

應堪輿是年應薦者八人邑郭西有古陂受西來諸

山水闕久枯落闢而治之沿陂爲堤立斗門以資蓄

洩度陂之廣可五百一十五丈溉民田難頃計

右紹定中任

鬲若楫林若谷呂克道陳洽姚有容潘頰趙善書蕭



郊鄭勺陳祖奭陳森趙崇秘黃林發趙與洧  
右年任無考

楊浩然林宜高林稽道十五

右淳祐中任

丞簿尉賢者附後

周申紹興間尉南詔建丹詔書院為講堂齋舍立聖  
像其中而為之銘

雷覺民紹聖中任尉

見建安  
縉紳

魏郁建炎中任尉

見南  
平縉

紳

元

達魯花赤

縣尹

主簿

縣尉

典史

儒學

教諭

訓導各一員

巡簡

務大使副使各

二員

站提領正副各一員

達魯花赤

買撒都刺至正十五年為達魯花赤廉勤愛民時縣  
無堅城賊至輒棄逃買撒都刺石砌之邑賴全安

皇朝

知縣

縣丞

主簿

典史各一員

儒學教諭

一員

訓導二員

陰陽學訓術

醫學訓科

各一員

僧會司僧會

道會司道會各一員

國書

文蒞

集

祥



古雷巡簡司巡簡 後葛巡簡司巡簡 青山

巡簡司巡簡 盤陀嶺巡簡司巡簡 陸鰲倉

副使各一員 臨漳驛驛丞 雲霄驛驛丞各

一員

知縣

張理

理字玉文鄱陽人元末蕪黃盜饒州理徙避之臨川  
與其弟瑑出家財起義兵為元破賊辛丑天兵取九  
江理知天命有在往贛其守臣王溥以全城內附擢  
知縣秩滿改漳浦縣舊有汀漳屯田萬戶府及入

職方徵屯田軍赴京師萬戶吳世策遂叛理集民兵  
攻世策戮之具上奏免屯軍徵海寇林仲明鄭君長  
等先後為亂雖經剪除巨魁未得理悉用謀致之磔  
裂以殉土豪羅季二族黨與甚眾持官府短長遠徙  
之府知事孫希慎常有求弗獲及以墨敗誣及理刑  
曹遠理既得釋卒京師理與宋學士濂善為人意氣  
自豪醉墨淋漓有鸞踏鳳翥之勢居官之日命子負  
販自給歿而橐無一錢焉

右洪武中任



梁碩

碩言水人繇進士任愛民禮士公暇講學以淑生徒

右永樂中任

羅盛陳紀

右正統中任

莫輝林瑛

瑛歷城人以監生任當兵燹之後民不聊生頑梗自

恣瑛問疾苦休息之犯輒不貸淡薄簡重僚屬清肅

蘇通

右景泰中任

錢璣閔乾

右天順中任

俞濟

濟政務大體安靜寬恕

劉璧

璧字次瑋廬陵人以進士擢御史出知縣事疏通明

敏境內無冤旁邑有持不平請質者咸得其理興學

校立社倉較量隱田履畝定則齧水者勘豁其租民

深德之陞桂林知府

邵有良金弘汪瑾



右成化中任

王臣

臣字獻可安福人以監生任搏擊有為作諭民善俗  
條頒行坊里決東南陂障數十以疏滌河渠

吳雲李洪梁瓘

右弘治中任

胥文相

文相字士衡巴陵人以進士任邑苦劇蝗文相引愿  
修備蝗悉赴海歲以大熟金谿有礦歲久脉漸微採  
取不充額賦轉重文相奏罷之

梁世祥劉桐何爛林汝松

右正德中任

周仲

仲字南仲吉水人以舉人任疏通敏決吏民畏服

鄭禧

禧字宗慶縉雲人以舉人任故浙東名士與惠安張  
襄惠相好好論天下事謂今人事不足法當法古人  
古人不能盡法當法其心心誠於義而識見才猷率  
為義行矣邑析置十之四為詔安縣而徃役猶兼任  
如故禧言上官得條減四十餘徭不事其為政以愛



養民力變化風俗敦節行崇名教為急其和惠纖悉皆思有以及人是非可否務求自信不為曲從苟止取媚悅上下陞安慶府判

文宗顏韓昌爵

昌爵江津人以舉人任廉正豈弟卒官

康恕戴慶鍾黎文煥慎蒙

蒙字子正歸安人中形胡髯髯半侵面與語天下事慷慨激烈若無當其意者其為縣明察強斷所彈擊不避貴顯居間路絕有盜負山海而窟者諸奸黠亡命多歸之常出攻剽聚落蒙擇邑下豪膽武陰重不

泄者十餘曹俾偽與盜通佐之攻剽密報蒙部勁卒攻之所遣豪從中應急擊縛其巨酋三十六人餘無脫者威行邑中道不拾遺徵拜南御史以論擊胡宗憲為所陷逮下獄會宗憲亦坐逮事迺釋歸家益讀書多所纂輯曰吾老死是聞足矣

劉欽命

欽命廬陵人以舉人任時倭寇犯境民多棄城欽命砌以大石增卑培薄工垂就而寇至復值暴雨雉堞多壞設法立柵禦之且戰且築令富民分粥饑民以消內叛寇聞其威惠引去陞均州知州以不阿中貴



人爲所中械繫赴京事白謫判楊公博聞其善守漳  
浦城奏調大同以捍虜

鄧惟修龍雨徐學孟姚東陽

右嘉靖中任

孫玳許試

試祁門人以舉人任豈弟愛民清介不阿陞王官去  
贖鍰數百封置庫中士民高之

右隆慶中任

房寰朱廷益

廷益字汝虞嘉興人萬曆丁丑進士性資沈鷲不苟  
言笑以文學飾吏諸所紛更一切謝絕邑鹽利實異

他境先是議召商前令房寰既已寢息奸民度不得

售更爲謬巧哨運司至欲藉鹽船出港行權廷益曰

此前令房君所拔除也亟上其牘議爲申輟戊寅巳

卯頻年大祲發倉粥餓全活萬計兩臺下諸縣式之

後考績列其事科臣指爲沽名見謫後至大官

王命爵鄭一鵬楊材

材字樛散懷寧人以進士任沈涵恬澹惓惓化導歲

歉親履村落覈給貧民全活甚衆召爲吏部郎

王猷王應舉



應舉字弘選南海人萬曆甲辰進士善治盜得盜必告之曰速改步吾釋汝有敢保任者乎曰有則與偕來其不敢任者曰能自保乎曰能則皆去為吾再得者狗食汝骨矣盜若再得弁與保任人重加拷掠錮禁之盜喀喀庾死人曰岐海之濱探赤白丸無時非王君孰使夜戶不閉哉應舉既警異淹暢又素風映帶樂與名流酬往其造士與文為加意擢刑部郎卒年僅三十有六

汪泗論區龍禎

右萬曆中任

佐貳教職賢者附後

羅毅南昌人弘治中以吏員丞以廉能稱没于官民共惜之

紀鏞永豐人正德中以吏員任丞廣寇滋蔓保大帽山自固御史知鏞膽畧使率兵與戰鏞深入攻圍斬首數十級賊大潰乘勝抵巢穴馬驚遜陷坑谷中被殺無全膚事聞贈漳浦知縣予蔭

余經嘉靖中任丞

見甌寧知縣

童久仁貴溪人嘉靖中繇知印任丞催科不擾廉介自持



王蘭丹徒人嘉靖中以吏員任丞和易練達煮粥賑饑全活甚衆

程石琮南城人永樂中任簿以廉能稱

朱召常熟人嘉靖中繇監生任簿有才有守署淳平

荆修縣志知府盧璧為序

饒晟金谿人嘉靖中以吏員任典史謙厚簡默有儒

風在任六年自持清苦

程孟干開化人正統中以舉人教諭課生徒調貧士

後家于浦其子貴領福建鄉薦

徐禎香山人弘治中以舉人任教諭沈潛端重訓迪

有方卒官

林瓚弘治中教諭見泉州教授

方星字文奎祁門人嘉靖中教諭精治春秋督學邵

銳令以春秋教士出其門者多登科第

李君英吉水人永樂中司訓有文名善啓迪

吳綸電白人弘治中以舉人任訓導學有本源每論

至忠孝大義擊節不已率身先士士推學行節槩馬

吳俊澄邁人正德間司訓陞教諭言寡行方善於鑑

別

龍巖縣



宋

知縣事 丞 主簿 尉各一員 儒學學正

學錄 直學各一員 學諭四員

知縣事

李拱辰

右元祐中任

蔡彤

右紹聖中任

石復

右大觀中任

陳子輝

右政和中任

李宗回

右乾道中任

陳渙張熊

右淳熙中任

陳祐之

右紹熙中任

楊中立

見晉江 縉紳

吳珏

見興化 縉紳

林介卿

見晉江 縉紳

傅伯崧

右嘉泰中任

周書

文蒞

四

一百四五



趙汝勉

右開禧中任

方世功

右嘉定中任

趙善芷莊夢說趙性夫

右紹定中任

林子陽陳椿壽

右嘉熙中任

魏德閏俞林傅知柔

見仙遊  
縉紳

陳英陳斗應趙宗揆陳

通事趙榮劉聰

右淳祐中任

丞簿尉賢者附後

劉壁紹熙間任縣尉嘗申議經界法

元

達魯花赤

縣尹

主簿

尉

典史

儒學教

諭 訓導各一員

縣尹

趙璉朱鍵

並見蒲  
田縉紳

黃佐才不知何許人至元間以尉從陳君用襲殺南  
勝賊李志甫奮力鏖戰賊怒之其妻子四十餘口皆

蜀書

卷之六十四

文蒞

江宗



被害事聞贈尹

皇朝

知縣 縣丞 典史各一員 儒學教諭一員

訓導二員 陰陽學訓術 醫學訓科 僧會

司僧會 道會司道會各一員

知縣

趙榮祖

榮祖淮安人以都督府掾任幹濟通敏政務安民卒

官子孫家馬

劉文或鄭俊吳子昇

右洪武中任

陳思敬程鵬吳粟董訥徐拱辰吳慶

慶蘭谿人以歲貢任剛明廉潔令行禁止以憂去

右永樂中任

胡晟

晟龍川人以舉人任葺理廟學塑聖賢像修龍津橋

有治績

右宣德中任

相儒

儒烏程人居官清慎有政績以事左遷松溪典史松

相儒

文蒞

文蒞

江宗



溪人稱之

楊綸林傑陳希詹堅

右正統中任

唐謙

謙興安人以歲貢任公勤廉謹有撫捕寇盜功

右景泰中任

呂慶唐慶李昊

昊字用寬巴陵人以舉人任居官愛民為王男女有

愆期者助其婚嫁逋稅不能完者佐之輸納生徒賢

者加優禮馬秩滿部使上績詔書旌異

王遂

一作

王欽

右天順中任

張綱韋濟

見福州同知

陶博

博字約之

人以明經知龍巖剽斷明允城土庫

薄甓為堅壁禱雨而澍邑人歌焉

伍星奎

星奎合浦人以舉人任剛介廉勁以不善逢迎去官

士民惜之

右成化中任

李俊陳熙



熙字士勛慈谿人弘治庚戌進士文章政事多足稱  
述每部使行縣見縣事皆理隔宿即去秩滿陞御史  
楊胤昌黃廷圭翁文茂

右弘治中任人升明公德懷以不善去  
黃源余成黃元林桂森朱賓

賓景寧人以歲貢任有惠政

謝思木

思木未陽人以舉人任嚴毅廉明政清訟理邑中建  
置無不飭修邑有稅契銀且千盡數申請用以糴穀

備賑卒官邑人思之

右正德中任

蔡思義陳瀛秦吉胡寅命申道謝南胡景華

景華上虞人以舉人任清介著稱

張思獻汪九思湯相

相字子華歸善人以舉人任寬仁有容靜密多大慮  
以大道教民嘉靖季閩有倭警羣兵相挺起廣中寇  
台永定諸寇來攻嚴邑既失利去邑中羣兵乘勢剽  
掠亡慮百千相次第討之其始誅黃世廣次誅饒弘  
嵩又次誅謝顯又次殲廖選最後平呂細黃世廣饒  
弘嵩謝顯故羣盜也會巡撫中丞許諸盜自新於是



始聽撫而盜如故廖選者以捕盜立有微功負其驍  
武不爲公家用已去爲盜魁陰遣其子姪爲寇而收  
其女子金帛自利有衆千餘時有征討檄其兵以助  
以茲浸驕又以其巢介漳巖間愈驚桀相密遣人誘  
選出而選咫尺不肯離巢穴呂細者永定人始名滿  
以劫盜繫獄亡命黃世廣饒弘嵩皆其役屬先後劫  
掠鄉邑數十發最後劫江西禍尤慘廣寇與永寇合  
衆攻巖城細實引之相先後或誘或討具有成功

劉源湧朱繼志

右嘉靖中任

陳大清陳懋芳

右隆慶中任

黎紹詵馬章曹胤儒吳守忠胡其久陳在廷闕沛蔣  
以述紀三才彭大魁章大中徐振潛

右萬曆中任

佐貳教職賢者附後

周尚文香山人洪武乙丑進士任本縣丞公勤廉潔  
凡期會不失信於民禁止里甲供給不妄動夫役縣  
廬戶有鐵課六萬餘斤苦於遠運尚文申准折鈔民  
便之召爲御史坐事謫象衛



伍倫平樂人成化中以歲貢任承實心爲民處事有法

黃鈞臨桂人宣德中以監生任簿嘗申改鎮海倉糧納常平倉民立石頌之

林濟民字廷泰海陽人弱冠時母病篤強命娶婦入門而母卒哀毀踰禮塋廬于墓服闋始合卺鄉邦稱之領成化丙午鄉薦授本縣諭以身率人陞贛榆知縣

賀一弘大埔人嘉靖間舉人任教諭溫雅灑落教學俱優陞平鄉知縣

甯寬東莞人成化中舉人司訓以身立教士多成就陞橫州知州

周隆賓州人正德中以監生任司訓行已端莊事親以孝聞

黃綿豐城人嘉靖中以監生任訓導正已率人待諸生有恩禮

黃琥信宜人嘉靖中自監生任司訓謙厚清雅捐俸以助貧生

海新興人嘉靖中以歲貢任司訓居官潔修嚴肅



閩書卷之六十五

文蒞志

漳州府 南靖縣

元

達魯花赤 縣尹 主簿 縣尉 典史 儒學

教諭 訓導各一員 監稅務官 陰陽學

醫學學正各一員

扈海字巨源衛輝人至正間為縣尹畚寇煽亂夜入  
解海罵曰尹承上命父母汝也汝欲殺父母邪賊駭  
散在任興學校均徭役撫字勤勞政清訟簡



韓景晦至正中縣尹徙縣治雙溪改南勝為南靖完  
城堡以奠居民興學校以勵風俗政平訟簡民思之  
皇朝

知縣 縣丞 主簿 典史各一員 儒學教諭

訓導各一員 陰陽學訓術 醫學訓科 僧

會司僧會 道會司道會各一員

知縣

楊通

通綏寧人均平賦役興起學校毀淫祠以創公廨不  
派取於民

薛預

右洪武中任

何友恭鄧敞

右永樂中任

范達莫圭

右宣德中任

林廷真

廷真象山人暴怒不形不避權貴

盧立傳平朱珩

右正統中任

文蒞

文蒞

二

陸



陳士名

士名字孟聲無錫人正統末鄧寇亂邑里殘破刑部尚書薛希璉巡撫八閩奏乞練達老成宜為令者分布各縣會士名以貴州衛知事考績京師吏部以聞命乘傳往時公私廬舍焚燬百姓流離士名招輯賑濟不三四年官有廨民有家學舍有絃誦縣復厥初滿九年致仕

右景泰中任

余迪

右天順中任

張文盛曾玘鮑靖張本

本餘干人以舉人任愛民如子不立刑具上杭溪南寇至本團集民快招募番客以阨險隘賊不敢犯丁外艱去

包燦張鵬舉馬遂

右成化中任

吳賢

賢馬平人以舉人任溫文進之亂邑人震恐賢備器械練兵快為防守賊聞皆引去

王日昭姚明葛銳

周壽

文蒞

吳卿



右弘治中任

徐恂

恂字信夫嘉定人繇舉人先知岷縣有聲調任學守兩優奸弊斷絕山寇橫縱民心驚擾恂親部兵快齋糧餉以遏賊鋒賊聞有備不敢入境

趙麟施祥

右正德中任

傅銓

銓羅源人以舉人自翰林出宰明敏多善政以法繩不逞事無巨細苟民所安汲汲為之不能貶介恂物

本中以奇禍者誦雋不疑傳而笑曰世當有能諒我

人何尤焉即日解所綰印幅巾遊三山登崩岩峯玩

天風海濤歌楚詞以鐵如意擊石亂以商聲林木震

響識者異之於是閩名士如林禮部貞夫隱君子潘

積中輩皆就問德考業發為歌詩翰墨流布遠邇御

史施山按察謝汝儀郡守陸金皆知銓為端士其誣

始白人咸勸銓循例就列竟拂衣去

何正楊浩唐倣丁玘

玘字中介丹陽人以選貢任裁省浮費食用衣服極其儉朴政暇詣學與諸生講論選民間俊秀子弟教



之小學延名士為師 成饑發粟賑民捐俸為粥全活

甚衆子一中見泉州同知

王濟郭大鯤

大鯤字時化海陽人以進士任廉以律已明以察奸  
興學造士鋤暴抑強上可能之委督八縣黃冊矢心  
勤事以勞卒邑人哀之焉

吳汝賢胡希周譚世美殷伯固


伯固博羅人以舉人任愛民惜費作興學校增置號  
舍勸借大戶以賑饑民嚴禁圖賴以安良善饒賊張  
璉倡亂本縣永豐民相煽起聚衆八百餘人直逼縣

城伯固單騎出諭犒以牛酒悉遁去嘉靖二十九年

冬饒賊突至率衆固守次日復來親督鄉兵出戰斬  
首數級皆遁去以調去任賊始陷城復改泉州府學  
教授

林挺春

挺春字少和順德人以舉人教諭仙遊有守有為出  
合得田租散予諸生且以具籩豆禮噐遷知南靖兵  
燹後官寺里屋一空挺春芟穢掩骼倚茅聽政已潦  
水至城郭蕩析乘桴露處乃遷于大帽山下邑焉招  
流移撫凋瘵邑以大治陞霑益州知州





右嘉靖中任

曾球

見泉州府通判

右隆慶中任

張橙朱袞李大欽葉化機歐陽潢吳仲文鄔廷相

陳宗愈

宗愈有遷復舊邑功

陳治策湯九經沈大德倪承課

右萬曆中任

佐貳教官賢者附後

劉深洪武末任典史練達堅定撫字勤勞陞宜興知

縣

李孜保昌人景泰間以舉人任教諭文學優長多所

成就屢典文衡有聲

陳徵黃巖人弘治中以舉人任教諭輕財好義飭學

政以課生徒

張詵海豐人嘉靖中以舉人任教諭祀名宦

羅本德南海人嘉靖中以舉人任教諭敦崇正學未

久卒官士子哀慕之

張大行順德人嘉靖中以舉人任教諭忠厚謹慎捐

俸建卧碑鑄祭器不受貧生禮節卒官士人哀之



周儒崇仁人正德中繇監生司訓待士有恩接人以禮

陳樂萬曆中署教諭見閩縣縉紳

長泰縣

宋

知縣事 丞 主簿 尉各一員 儒學學正

學錄 直學各一員 學諭四員 監商稅務

一員 泰安寨官一員 監造押錄一員

知縣事

公孫其洪仁遜

仁遜吳人進士以大理評事調任陞潮州通判民表畱之復以通判署縣事卒于官貧不能歸遂塋焉

右乾興中任

胡某蔡處冲一作中宋元慶宋翥徐文侃下日觀焦餘

慶王儼宋玄蒯令圖竇文傑劉慶之范和寧張廷驥

連運郭震寇寧汪隨阮若孝楊允懷王某王楷

右任年無考

黃穎見莆田縉紳

右元祐中任

張序張知常



右嘉祐中任

裴令孫田圭

一作圭

方浹張某楊緝

一作潛

右任年無考

吳臧

一作臧

臧嘗建雙清亭有詩

右紹聖中任

張澤鄭叔明許原陳輯林開晏隅林昌符孫齊鄭适

鍾昇鄭永韓常卿吳季述

吳一作呂

陳圻楊偶林詵倪權

蘇標

右年任無考

王朝俊

右政和中任

蔡元璋

右宣和中任

林炳李莫陸竑陳倬然趙崇秘

右紹興中任

王振陳葵

陳一作陸

滕京朱明作李觀朱慥徐琰卓彌彰

李願學蔡綱余致和陳安卿鄭賜方昕鄭櫟陳大亨

右任年無考

王孝恭王萬章丘微之



右淳熙中任

黃師厚趙師旂李志甫

志一作忠

右慶元中任

吳炎

吳一作呂

右嘉泰中任

楊霓王自強黃孟永余克濟黃儀之

右嘉定中任

黃淳繆某徐璣

見裔派

右寶慶中任

陳子木陳純仁

右紹定中任

鄭師申

右端平中任

趙與坦

右淳祐中任

王序

見晉江縉紳

陳春伯

春伯在任搗殺寇酋保全城池

右咸淳中任

丞簿尉賢者附後

方壬淳熙中任主簿

見莆田縉紳



元

達魯赤花 縣尹 主簿 尉 典史各一員

儒學教諭 訓導各一員 監稅務官 武勝

場大使 陰陽 醫學學正各一員

蔡淳至正五年攝尹 見漳浦弁幹

忽都火者始繇却契丹進身歷任古田簿閩藩斷事

經歷至正己亥攝縣事明年為真廉介精明不避權

幸鋤強梗植善良工役以時百廢具舉

余良甫盧琦贈詩令尹余良甫應勞撫字心野人爭

賣劔山縣但聞琴

陳文積至正間主簿見福寧縉紳

皇朝

知縣 縣丞 主簿 典史各一員 儒學教諭

一員 訓導二員 陰陽學訓術一員 醫學

訓科 僧會司僧會 道會司道會各一員

巡簡司巡簡 稅課司大使各一員

知縣

鄧清

清陵州人繇儒士薦知均徭役清詞訟省刑罰時稅

斂革奸弊撫字安靜歲旱禱雨輒應蒞政三年凋瘵

周書

卷之六十五 文苑

江云



以蘇流移以復

張壽張從道

從道解州人以進士任持已端莊蒞政嚴明崇獎學  
校勸課農桑陂塘衝壞以時修築朔望入學講課雖  
盛暑不去公服燕居亦無褻慢之氣

阮思聰

思聰海寧人以方正舉恪直廉明抑強扶弱尊賢勸  
善賦均訟簡

右洪武中任

蔣如環趙略

略華亭人以國子生任剛毅有為事無停滯差役不  
及貧戶逃竄相率復業

陳愚

愚上高人初以人材授驛丞陞任平易公忠民有訟  
者理解之凡為難事先為處置均平然後下令莫不  
樂趨

金仲經

右永樂中任

劉奎

奎博羅人繇國子生知疏治陂塘溝洫招回逃亡民



戶均平賠賊浮糧奏立巡簡於朝天嶺以禦盜在任九年虎不害人嘉禾一莖三穗秩滿民相率借留墜秩仍掌縣事再歷三考凡二十一年乃歸

右宣德中任

曹忠羅緹

右正統中任

高翥裴顛

右景泰中任

朱景雲

右天順中任

簡直陳良

良會昌人繇監生任清慎公勤鞭朴不施躬巡阡陌勸課農桑惰者召而諭以衣食利害之源無農具種子者籍姓名補助之民有爭訟詳其曲直無所壓抑夜則巡行坊衢緝訪諸盜貧者有資而奸無所容秩滿歸家及卒百姓聞之哀慕不已

劉鐸

鐸字振文麗水人繇國子生任廉明練達治尚寬簡每朔望矢神受事歷任九載政舉民安

李通

周書



右成化中任

莫卿李昕洪福

右弘治中任

葉洪一作趙珮

珮字鳴玉嘉興人繇監生任課民耕讀勉以勤儉及

期入覲百姓醵金為贖峻却不納及再任以老乞歸

百姓復醵金倍前拒之如故眾為立却金亭以比懸

魚之節

朱紘

紘字廷和無錫人弘治壬戌進士自御史左遷清廡

公正剔弊舉廢均徭備賑恤孤育材創築縣城保障

有賴陞知州

右正德中任

歐典

典平樂人繇舉人任賊犯洋山率兵戰長埔坂敗之

王璣

璣建德人繇舉人任學術醞藉每為諸生講說縷析

條分脉絡通貫聽者克然兼習為吏法比詳明

鄭經正周文進沈渭王用文

用文建德人繇選貢任每祭祀竭誠致齋牲牲籩豆

尚書

卷之六十一 文蒞

章



必務豐潔自行禮至終事無敢有惰強敏善記百姓  
以事至前經目輒不忘在任三年未嘗遣一人下鄉  
去日囊橐如洗

張傑夫

傑夫新會人繇進士任莊敬自持尊賢禮士邑有豪  
民謀據城爲不軌嚴爲警備皆鳥獸散

蕭廷宣

廷宣廬陵人繇舉人任時倭寇輒張城垣卑薄廷宣  
增賦授工堅築之踰年寇至率諸生王得麟王守惇  
張鴻輔盧穎林梧等督民登陴灰灑之礮擊之石壓  
之劒刺之弩射之防守內外捍禦萬方所殺傷以數  
百賊引勾引者數人責而尸之曰此中真勅敵名爲  
弱誑我來耶賊退債帥擁兵至百姓怨其不援而兵  
士所過擄掠閉城拒之廷宣復與諸生登城責數帥  
帥大恨言上官廷宣幾不免而王得麟歿杖下其餘  
皆落士籍邑人盧岐嶷爲作已未墨守而歎之曰自  
古忠臣義士出身徇公家急不蒙爪衍之賞而被杜  
郵之禍覺其實事猶咨嗟歎息而况親見之者乎  
易貞黎兆鵬

右嘉靖中任



唐珊侯嘉祐

嘉祐橫州人繇舉人任臨民惠愛雖盛怒咎不滿十俸外一無取縣費舊多取辦于民當役者至鬻產不給嘉祐痛革之爭訟者原民之情釋瑕寬誤萬曆初邑大旱拜起烈日中致羸以疾乞歸臺司勉留不起歿日橐中俸金數鋌而已士民哭泣奠祭建祠祀之初嘉祐因歲旱穀貴欲效古社倉法便宜歛散乃出俸金二十兩糴穀爲士民先及歿士民悉賣所糴以資歸櫬側室三人泣辭不受曰敢負我公拯荒意士民乃悉以爲祠資

右隆慶中任

張應丁鄭佐方應時

應時字以中遂安人繇舉人任識敏有治才發奸摘伏愛民禮士每朔望次日集諸生督課之爲供筆札治飲食次第甲乙之會上官下鬻書院邑紫陽祠以名書院亦在鬻中應時力爭不可遷肇慶同知

李思成歐陽勁李學詩

學詩融人以選貢任爲政平易無擾方正不可干以私自俸外未嘗妄取民適奸徒結黨謀不軌學詩緝知掩捕械繫送府當道者不卽寘法遣歸就園踰年



因殺獄卒突入衙中砍傷學詩幾斃遂致政歸百姓感學詩恩而傷其遭于變也

蔣良鼎

見龍溪知縣

盧洪遠管橘祝國泰陸卽登

右萬曆中任

佐貳教職賢者附後

陳炳杭州人洪武初舉經學任本縣丞通易書二經與諸生講論多所啓益時抽軍丁民多懼匿炳處之至公人服不擾

葛伸經金谿人洪武中以通經秀才任丞精勤職業脩舉廢墜僚屬協衷吏民畏服

王本蘇州人洪武中以人材任丞公平勤職

黃信南直隸人永樂間以人材任丞清勤公直有法有恩懲惡勸善施舍不吝未半載卒官邑人傷之勝元善鄞人洪武十三年以孝弟力田任簿廉直勤政凡事衷已吏卒莫之敢欺

章參平陽人洪武丁丑自國子生任教諭以古人自期教先忠信闢齋堂創書院立學田以教養諸生李邦祥字兆卿高要人正德中以舉人任教諭爲吳廷舉所器重仕終常州通判

錢象乾東莞人正德中以歲貢任司訓謙厚勤敏與



諸生講論探討本原咸獲其益

翁萬化揭陽人嘉靖中以選貢任訓導雍容恬退訓

諸生恩義無盡年方力强懇求致仕人高之

謝明德嘉靖中以舉人任訓導

見平和知縣

漳平縣

皇朝

知縣 主簿 典史 儒學教諭 訓導各一員

陰陽學訓術 醫學訓科 僧會司僧會 道

會司道會各一員

知縣

李仁本

右洪武中任

張文盛

右正統中任

陳粟

粟南昌人以舉人任時初立縣事脞民獷粟明敏廉

慎撫民如子躬治建學列街坊編均徭秩然就緒在

任五年以內艱去

王堽

一作憲

陳倫

一作倫

李斌

斌建昌人以舉人任明敏能斷

周書

卷之六十五 文蒞

七

鄭相



余蒙李讓高魁人封即輝

右成化中任

梁金薛說

右弘治中任

吳照

照鄞人以舉人任慈愛廉慎不善承奉調任去民思

之

汪淳

淳武昌人以舉人任剛敏有為縣事脩舉武平寇逼

邑急淳持弓躍馬先鄉兵蹴之擒斬數十寇遁去

徐鳳岐

鳳岐武義人有能聲

陳應龍

右正德中任

施信王椿陳世俊

世俊揭陽人以舉人任廉潔慈祥省刑薄斂

樊伯勳秦文昂陳泗

泗永康人以監生任剔繁苛省財用亡何卒

黨傅鄒伯貞桂懋實曾應璿劉鑄

鑄宣城人以選貢任蒞政清勤在任九載終始致



趙子彬梁喬幹魏文瑞  
 文瑞字麟卿桂林人以舉人任歲旱給粥賑饑全活甚衆嘉靖四十三年流寇攻縣竭力保障後奉檄會剿賊首楊一蘇阿普等以援兵不至遇害事聞詔贈光祿少卿立勸忠祠賜春秋二祭蔭一子  
 會廸陳豫章

右嘉靖中任

章述

右隆慶中任

盧彥朱世盛吳中英黃樺紀僑王之垣施孔儉劉懷

學以所志傳文勛

右萬曆中任

佐貳教職賢者附後

林世光博羅人成化中以舉人任教諭學規嚴整士

風一變

黃國賢萬曆中任教諭見晉江縉紳

梁緯新昌人嘉靖中以監生任訓導狷介有守

林元棟太平人嘉靖中任訓導見甌寧教諭

平和縣

皇朝

周書

文蒞

七

江二



知縣 典史各一員 儒學教諭一員 陰陽學

訓術 醫學訓科 僧會司僧會 道會司道

會各一員

知縣

羅幹

幹字子立永豐人文毅公倫之子正德中以舉人任  
寧德知縣剛毅敢為政先教化朔望謁廟畢進諸生  
講心得之學仍往社學校飭生徒在任三載久而不  
倦時稱有父風平和初建調知本邑當百度未飭之  
時悉心經理不逾月卒官

章煥

右正德中任

張鏞王祿

祿字汝學新城人以舉人任時邑尚草創祿損上益  
下治邑如家在任五年庶事畢舉嘗獻議大禮及請  
立 皇儲以與時不合棄官歸養

黃端劉信方彭莫如勤

如勤靈山人勵志苦學以國子生家居嘉靖十二年  
賊越靈山城劫縣庫殺百戶邵經如勤請兵躡其後  
盡擒獲之遂以功授平和知縣

周書

文蒞

惠



王試陳中立謝明德

明德字明之瑞州人講王新建之學嘉靖辛卯舉高第明年署教長興有以偽學中者左遷長泰訓導久之擢令平和秉廉慈除苛令議賑貸禁服毒捕宿惡擒翁陳二酋肆于市隣邑詔安白葉峒自正德時憑險負固三省莫誰何明德上狀請討之檄暮下而朝誓師分道深入賊皆驚潰擒陳劉二酋及餘黨數百人覆其穴漳汀潮贛四郡懽呼相慶督撫臺史交薦謂得異擢僅遷潮州通判而先是給事中奉使勘海寇事連漳守盧璧璧賢守也明德奮身援解盧藉以免給事中嘆之于臺史論罷明德曰長吏冤白予朕歎無恨矣

趙進王之澤姜遂初

右嘉靖中任

陳一儲蔡希齊

右隆慶中任

盧煥陸宏

楊守一



守一泰和人繇舉人任沉毅明敏訊決如流崇學校課諸生庶巨猾為民害者置之法遷別駕

孫汝達王佐郭夢鯨朱大謙湖伍匡世鄧筠李槩丘惟峻黃應明藍士龍李一鳳

刺一右萬曆中任

佐貳教職賢者附後

談蘊新會人嘉靖中任典史

見本府知事胡期亨傳中

黃持衡字平叔番禺人嘉靖間以舉人任教諭闡明經學耳提面命月常數試與同筆硯尤以禮義自檢

官至同知

詔安縣

皇朝

知縣具主簿典史各一員儒學教諭訓導

各一員陰陽學訓術醫學訓科僧會司

僧會道會司道會各一員

知縣

何春雱都人以舉人任講學王文成之門為政不拘拘簿領間政暇詣明倫堂與諸生講論示以趨向教民行鄉約習文公家禮毀淫祠改舍山知縣吳桂尤敷廖暹



暹高安人繇舉人任著有四禮圖

潘九思

九思新淦人以海豐教諭陞任有惠政秋毫不取告

病歸百姓涕泣而別

李尚理邵道南龔有成

有成嘉定人繇舉人任時值倭饒二寇發土寇乘之

大肆劫掠有成繕浚壕經營防禦前後勦滅溪東小

篆諸賊具著勞績調龍南縣尋陞贛州知

梁士楚

見命

麥天惠

右嘉靖中任

鄧璿潘鏊

鏊婺源人繇舉人任行鄉約申保甲以德禮化人

陳素蘊

素蘊徐聞人繇舉人任明敏有為卒官人惜之

右隆慶中任

詹位葉文煥鄧如昌鄧于蕃張大噐司廷侍蔡宗堯

劉祖泗夏宏程景伊許欽文黎天祚林懋晉鄭化麟

車登雲

右萬曆中任

佐貳教官賢者附後



會簡吉水人嘉靖間以貢任教諭清介慕古勤以訓士厚以恤貧力求致仕

趙鑄上高人嘉靖中以舉人任教諭德性剛方訓迪勤敏陞太僕寺丞

王世祥全州人嘉靖中以舉人任教諭有學行陞石屏知州

王瑞麟金華人隆慶中以貢任教諭教規嚴整

賈崧金華人嘉靖中訓導賦性峭峻詩翰清美分教七年繩墨飭士人

陳德用增城人嘉靖中以歲貢任訓導持已清介教規嚴謹

### 海澄縣

皇朝

知縣 縣丞 典史各一員 儒學教諭 訓導

各一員 陰陽學訓術 醫學訓科 僧會司

僧會 道會司道會各一員

知縣

鄧復陽

復陽番禺人先以舉人任崇安知縣有鋤奸之才循舊改創快服民心時邑治新置加五品服調任

周壽

卷之六十五 文蒞

二百世

二百世



李霽王穀

右隆慶中任

周祚

祚字以延蘄州人有惠政

瞿寅杜如桂周炳楊繼時毛鳳鳴龍國祿

國祿南寧人以進士任刻意為廉稅璫到縣國祿多

為柵隘而低小之使不得高車多騎從日海濱防盜

不得不爾璫自此不復來縣

姚之蘭

見汀州又蒞

俞思冲毛尚忠陶鎔

右萬曆中任

教官賢者附後

林敦忠萬曆間教諭

見晉江縉紳

寧洋縣

皇朝

知縣

典史各一員

儒學教諭

訓導各一員

陰陽學訓術

醫學訓科

僧會司僧會

道

會司道會各一員

知縣

董良佐

良佐玉山人以舉人任儉朴有守愛民惜費邑值新



設城郭宮室未備良佐與教諭利灌等歷山躋嶺採  
取木石構造學宮公署教民行鄉約與士子講王文  
成學陞鬱林知州

柳如梁

右隆慶中任

鄧于蕃楊繼時陳渚陳德言王澄宋煉陳渙黃夢鴻  
李栻向德象鄒啓元

右萬曆中任

教官賢者附後

利灌博羅人嘉靖中教諭見寧德訓導

閩書卷之六十六

文蒞志

福寧州

福安縣

寧德縣

五代周

置巡簡

許光大

光大為沿海都巡簡江寇至硯江持短兵奮戰謂鄉  
人曰勝則江水清負則江水赤既沒于陳江水如血  
者三日尸隨潮歸鄉人即地祀焉

宋 長溪縣

令丞簿尉 儒學教諭各一員

閩書

卷之六十六 文蒞

吳



今

方廷範

右宋初任

杜樞

右慶曆中任

周尹李廷龍

右嘉祐中任

馬康侯

右元祐中任

蔣濬

右政和中任

潘中

見浦城  
縉紳

右靖康中任

熊浚明

右紹聖中任

歐陽大卿葉安節

右大觀中任

劉既濟

右淳熙中任

黃龜朋

見邵武  
縉紳

楊士豁

見寧德  
縉紳

方之泰

見莆田  
縉紳

姚迥

國書

卷之六 文蒞

陸吳



右嘉泰中任

朱儼

右開禧中任

劉顯

鎮字方叔樂清人屢更州縣皆有治績明敏之才吏

不能欺為王十朋所薦

楊志

見龍溪

蔡顥江潤祖

右嘉定中任

范夔

右寶慶中任

孫宥

右紹定中任

袁正規

右端平中任

黃恪

見延平

鮑遜

遜字克順平陽人淳祐元年以進士任嚴明剛正斷

獄民自以不寃帥幕增軍期船額為民爭之被讒得

譴士民挽留者千數戶設天燈為禱卒不免士民刊

其善政與所獲罪者訴于朝復起為司農丞

右淳祐中任

周

文蒞

三

吳



毛誠之

其右嘉定中任

丞簿尉賢者附後

丞蕭山見沙縣

主簿姚東見龍溪

尉蔡高見仙遊 黃琮見莆田 趙時煥見晉江 張次高

見蒲城

元福寧州

達魯花赤 尹 監州 燕勸農事 同知 判官

儒學教授各一員

張伯顏字正卿吳江人至順元年知州均賦後革冗濫禁侵漁杜請謁清剛之操始終如一

王頌字伯敬霑化人家烏程身長八尺美儀度個儻有大志至正中為信州路推官用薦者以朝列大夫尹福寧甚有政績陞福建都轉運副使將行會紅

巾賊警報州民擁馬首拜且泣曰賊且至公吾父母

恐捨我羣詣廉訪使乞留已賊果至伯顏壘四門募訓練諭鄉民團結自相保頃之賊分道入伯顏以千

戶嚴伯顏不赤花州人前長泰主簿陳文質守西門自率中子相引兵至楊梅嶺與戰敗之已賊大集還



守州治遣州人巡簡阮宗澤禦南道宗澤遇賊于古城戰敗死之居數日嚴與不赤花陳文質開西門逐去賊突入伯顏奮身力戰俄而馬中流矢遂逸北門被執賊曰公廉能素著吾屈公仍尹此州伯顏曰受命守州義當殺賊今有死耳寧從爾耶賊強之跪伯顏曰此膝可斷不跪賊也賊怒毆之伯顏嚼舌噴血賊面大罵曰殺即殺何毆爲殺我可也慎勿殺吾民會賊執監州至責之曰汝何得與州尹同拒我監州口噤不能對伯顏又大罵起兵實我非監州且吾滅賊耳何云拒耶生不能殺爾死而爲神殺爾必矣賊愈怒遂遇害神色不變立而受刃頸斷湧白液如乳體尚不仆時年六十矣數日面色如生民老稚號哭晝夜不絕賊亦悔之尋有毒蜂如雲屯聚賊庭民請葬伯顏屍屍葬蜂散而賊中時時見伯顏引兵入州治賊酋無疾自斃伯顏死相亦被執賊欲官之相曰汝逆君文弑吾父天不共戴而尚官耶亦死之相妻潘亦被執賊首欲亂之潘以新產告召醫來潘哭曰吾失所天死固其所苟念我大官幸以死藥進醫不忍趨出閉口絕食及二幼女皆死焉福寧人各爲具棺葬之仍殯伯顏柩于東郭佛祠明年賊再燔祠伯



顏之僕奔告其長子楨於烏程負遺骸歸初伯顏死時賊覩其時時引兵出入也明年有僧林德成者起兵討賊望空呼曰王州尹率陰兵助我時賊正祠神覩紅衣軍來以為帥康迎之無有也四面皆青衣官軍賊大敗斬酋江二蠻福寧遂平連率吳克忠以聞贈嘉議大夫濟南路總管上輕車都尉追封太原郡侯越六年行部御史余闕令廟祀之楨襲父爵除紹興路總管張士誠陷郡亦不屈死焉

吉兒廸矢里至元九年任縣尹留心民事諭民揖讓

爭訟頓息

判官張立贊至正中任賊寇州治死之

學正陳天錫林洪

並見本州縉紳

皇朝初為縣設知縣一員丞簿典史各一員教諭一員

訓導二員陰陽訓術一員成化九年陞為州設知

州一員同知一員判官一員吏目一員儒學學正

一員訓導三員清灣巡簡大箕管巡簡柘洋巡簡

一員蘆門巡簡高羅巡簡一員延亭巡簡各一員

河泊稅課局大使廣寧倉大使大金倉副使陰陽

典術醫學典科各一員



知縣

郭徵趙仲明

一作龍

存仁

會大封大金會編對創

存仁字淑心湖廣人繇監生任修廢墜恤孤寡興學

校祛民害理冤獄均賦後政治一新

尹昌隆

昌隆字彥謙太和人舉應天鄉試第一會試第二進

士及第翰林編脩改御史三十三年地震疏斥權貴

調知福寧縣清勤自勵科差驗丁產而高下之吏不

得售奸公暇召諸生講課改北平按察司知事永樂

初進右春坊中允漢庶人惡之出為禮部主事尚書

呂震忌其剛果誣與谷庶人逆謀籍其家其後震臨

死時呼服謝罪若田蚡之於魏其灌夫矣

右洪武中任

鄭不已陳思恭秦服

右永樂中任

錢宥婁肴賢

右宣德中任

項智

智字伯仁西安人修學校均徭役有爭訟者每令退

省以發其良心民訟為息

周書

卷之六十一 文蒞

七

吳



劉淵發其具心以請為息

右正統中任

朝廷芳

廷芳字子蘭東莞人繇監生任庶慎恤民加意學校

入覲卒民懷之

辜志

右景泰中任

賀敬

右天順中任

易珪岳俊

右成化中任

劉象

象字有儀安福人是時縣復為州象改建州堂修治

屏舍勤政惠民百廢具舉以禱雨勞瘁卒于官

張遜

見福州文苑

郭祥鵬

祥鵬泰和人以進士任持廉秉公歷官叅政

孫徑沈巽其瑩

右成化中任

柏昂周鑑沈英胡璉俞文煥



右弘治中任

李時

時東莞人以舉人任正德戊辰入覲逆瑾先期嚇諸藩省賄視省大小為差聞當釀金三萬憲長科本州千時不與憲長嘶之及清軍道以多得軍丁為功民懼哭求救時入為解於憲長憲長雖嘶而事竟寢

萬廷彩

廷彩字文明武寧人以舉人任精勤釐敝門絕私謁在官五載窮鄉民情無不周知官至浙江叅政

歐陽嵩

嵩字汝中泰和人進士剛正不屈吏憚威明開城東南河漑田數千頃復置田建河資倉以資後人疏濬

顧欽

欽常熟人一日旦視事有鴉千餘鳴噪牆宇塵之不去俄有數鴉頭墮庭中顧忽頭痛暴死

黃應期

右正德中任

張儒卿姜芳周珙謝廷舉

廷舉字孟賢柳州人以舉人任州派銀三千餘供三山驛力為上官爭不能得則草奏疏萬言欲上聞因得減半既去數年上官復取盈民思廷舉矣

王廷幹程默黃良材孫勳



勲南海人以舉人任時海寇披猖新設軍門治兵行部至州州故不習見軍門皆惶恐重足而任軍門者又責供張治辦勲直用卑遜免州民日擁勲輿出入軍門竟出境閭閻無毫髮騷擾擢常德府同知鄭瑄鍾一元鳳翔人以進士任州西郭無城一元營築六百餘丈為保障甫竣工倭賊至民殊賴之

何察柴應賓

應賓郵人以舉人任州方倭警一有事即橫派里甲強索舖戶吏緣為奸應賓一洗其弊女牆久圯僱工甫就倭忽至城賴以完卒官野州人惠及民夏汝礪野州人汝礪融縣人嘉靖初為南平教諭待士以誠賢愚僉益擢知南安縣縣故無城前一年為倭所掠汝礪集民城之計田出直計下出夫不二載工完未幾土寇褚鐸作亂率眾攻城堅不可入因督兵挫之九日山下秩蒲擢福寧州知州復培州城之雉堞州賴以固

蔡顯節

右嘉靖中任

萬垓見按



右隆慶中任

劉介齡

介齡南海人以進士任廉潔高簡時議增遊兵欲於正米外加徵兵餉介齡歎曰民力竭矣鄰郡有驛傳之費吾州嘗助之今吾州有師旅之後盍還我驛傳為兵餉事遂寢

薛道生羅文靖

文靖字伯獻南昌人為泉州司理泉有大姓被誣死罪文靖廉枉立剖之遷福寧知州瀕行大姓懷金為贖峻卻焉隨之境外文靖曰理枉職也不任受德而任受金及為州常餽常例不一至門事從寬處罪從末減福寧人稱文靖之為政也廉以紀之仁以經之

遷太平府同知

祝永壽高汝梅史起欽錢士鰲洪翼聖

右萬曆中任

丞簿同判教官賢者附後

郭惇字元厚絳人

洪武中丞廉勤著聲坐公事去民

惜之

張翀陽城人

成化中任州同知謹慎平易卒于官

馬迪字惠吉仁和入成化中以監生任州同知清慎



敏捷修舉廢墜善詩書篆所至留題  
 趙廷松字子俊樂清人嘉靖中以刑部主事議大禮  
 被廷杖謫州同知革奸弊修學校均賦後鄙民爭利  
 為規諷之詞化之有盜當論死重賂所親張筵緩頰  
 廷松蹴食几趣成獄柘洋流賊劫掠領軍追捕賊勢  
 熾我軍奔北廷松挺身前曰寧殺我母傷軍士賊皆  
 竄去次年征寧德賊復遁歷山西左布政

項喬任同知 見福省文蒞

劉復芳宣城人嘉靖中繇監生任州同知有故人子  
 弟以事求理曰縱公亦私也屏不治踰年入覲行李  
 蕭然吏部嘉其廉為改清秩不就去

黃晟字以明石首人成化中任判官敏幹剛果州有  
 建造晟任其勞

李長字復之縉雲人正德中以給事謫判嚴介廉明  
 人不敢干署福安俗多聽其教者咸願退釋有武斷  
 者峻法繩之卒于官

保睿通州人以監生為曲江令正德中謫判州廉直  
 著聞

姜勲海門人嘉靖中有廉介聲

鎮丙咸寧人萬曆中任吏目有清守卒官市民醵錢



爲賻曰乃公生時未嘗取我行市一物也市吳翹  
程奎字文昭婺源人宣德六年教諭學優行粹明師  
道振士風

丘秉中字希堯南海人成化十一年以舉人署學正  
嚴條教勤課業時新建州學纂州志四卷

閔鶚字廷舉浮梁人弘治十年以舉人署學正嚴於  
教士士多有成署州正雪死冤百餘

陳德鳴字顯道泰和人正德二年以舉人署學正模  
範端整思意周至上交不諂時人稱之歷監察御史

許士經南海人嘉靖中任學正待士有恩禮輯楊龜  
山以來至朱子門人刻曰道南觀感錄又刻陸校山

### 家訓頒示諸生

王良俊錢塘人嘉靖二十年以舉人任學正儀度整  
飭談說德業以勸諸士陞大寧令行橐蕭然

車錡萬曆八年任學正

見將樂  
縉紳

楊蒼字汝松廬江人弘治中任訓導沉靜溫恭執事  
有格從官二僕而已

黃璫字廷重浮梁人正德二年以監生司訓訓迪不  
倦時誘其鈍而不能而責其敏而無功者有當道蒞  
州上元張燈宴屬僚璫辭不赴







畫邑居設施政令井井有條而民不知勞去邑人垂涕送之

林子勳

子勳字翼之永康人時踵鄭黼之後經畫縣治益有成績居官以廉謹聞

右淳熙中任

薛正巳王庚錫

右年任無考

陳著

著字子微奉化人登文天祥榜進士相國吳潛等薦

其才於朝賈似道諷其及門著曰寧不登朝不為此態遂出授福寧令改知嵎縣既遷代者至曰何以處我著曰義利明而取予當教化先而獄賦後識大體而用小心愛細民而公巨室如是而已累官監察御史知台州

右咸淳中任

尉賢者附後

詹崇 嘉熙中任尉見崇安縉紳

元

達魯花赤 尹 丞簿 尉 教諭 訓導



白石巡簡司巡簡陰陽訓術醫學訓科各

一員

忙夕兀回回人皇慶中尹州廉潔正大以律身孝弟忠信以導民

高琛燕山人至順初尹州剛毅正直表孝弟興庠序鋤強植善厚本抑末

林天賜至正中尹州值大饑盜賊丘寧十等恣行劫掠天賜置酒招寧十醉而殺之表而論知州

胡璉字公噐懷孟人至大間簿持身廉謹以德化民皇朝

知縣一員 縣丞 典史各一員 教諭 訓導

知縣 盜案以水斷獄果於金藏卒於京

崔平葉禮李讓金首臨平縣卒則至誠之服於其

右洪武中任

黃理天賦中卦

理字子温歙人禮士愛民政平訟簡有公勤之譽

鄭齊本五城守

齊江山人興學校均徭後恤鰥寡濟以廉勤

周南李思明

右永樂中任



陳庸史昇徐進

右宣德中任

沈鑄葉誠忠

右正統中任

孟克陳謨

右天順中任

陳震郭綱劉順

順字惟理有盜藏金者誣守藏卒順至疑之訊得其情遣人至盜家以水灌地果得金藏卒乃免

馬時中

時中字希德潮陽人政尚簡要勸農桑興學校具有

成績

駱善張灝

右成化中任

王臚

臚字明卿山陰人愛民禮士釐弊政正風俗

程玉孫經杜淮

右弘治中任

沈愚梁昱劉鑄

鑄安仁人愛民敬士諧愬不行為政三年不見怒色



于震

震字孔安餘姚人縣頰遭火爲文禱城隍浚鳳池淤以制之簡默公勤抑強扶弱竟以狷介去士論惜焉

韓洲

洲蕭山人剛介公勤興學恤民九年一致

右正德中任

唐仕

任欵人以鄉薦任縣葺學宮銷玄武銅象鑄文廟禮器廢白蓮禪堂爲書院射圃時從諸生講學序賢禁民巫覡創醫學藥局以治病賑饑已責與民順流行

之三年風俗爲革遷景州守以親老免歸

李謨陳泗

泗永康人摘奸鋤強每食祗薯一豆人呼薯公

曾暉馬瑋文高

高灌東陽人平易近民恭敬禮士

笪佩張邦傑吳深李尚德盧仲佃

見晉江知縣

黎永清李

有朋

有朋東陽人約已裕民孜孜不倦白石司夫向爲縣民之厲悉心計處民賴以甦

右嘉靖中任

周書

文苑

文

吳



謝一楓

右隆慶中任

鮑治楊維誠徐廷蘭汪羨袁魯楊繼時

繼時錢塘人縣方被水革浮節費廣儲積重學校關

泮宮未幾憂去

梁煥陸以載

右萬曆中任

丞簿尉教官賢者附後

胡長字克興英山人正統末丞時鄧茂七倡亂愚民

乘機掠縣境長備禦有方景泰初民饑廩竭長立券

貸富家不足乃盡借際留倉米賑之同官欲候申請

長曰民死矣誓不相累遂開倉以賑民

趙璉字宗商成化五年丞時大風傷稼繼以水患民

大饑璉不待請以倉儲餘糧量口給食勸富民出穀

濟之

章弘信會稽人由知印丞隆慶初夏倭寇村落督兵

生擒十八馘五級皆遁去

陸鵬慈谿人嘉靖中任典史捐俸造橋亭提兵勦倭

楊槃字世資崇仁人正德中為教諭非公事未嘗至

縣堂卒士哀之



袁壘字邦器豐城人嘉靖中以舉人署教諭月輒率諸生行冠婚射禮口不言利為諸生所服非公事未嘗至程箕績溪人嘉靖中教諭嚴立教條學政一新明年倭入寇箕守西門督兵力戰死之

李希賢弘治中訓導循循誘士在任八年始終如一

劉曇字汝霖浮梁人正德中訓導端重嚴緝善屬文士愛而敬之

繆冕字希周分水人嘉靖中訓導撰師賢克已私戒嗜欲務謙勤四詩梓授諸生曰某無以教願諸君體之督學督所司舉惡冕曰古人謂平原自無不敵

罔人塞咎竟受罰陞星子諭未赴卒

謝君錫海陽人嘉靖丙辰任訓導不妄言笑苟取予越三年為州人守西門拒倭二日流矢貫面強忍不退供城陷還學着公服觸文廟死

寧德縣

宋

令丞簿尉教諭各一員

令

宋

儲惇叙

鄧邦寧

右靖康中任

見莆田

見晉江

文蒞

章



應惠趙誥之中并  
誥之字宗盛建炎四年以奉議郎令焚膏聽斷獄無  
冤抑吏不能欺歲饑勸富民出粟賑貸暇則行鄉飲  
禮以興孝弟之教邑有群不逞爲民害誥之嚴戢乃  
陰謀爲變設方畧捕殺之

右建炎中任

劉頴阮圭龔時可李汾謝衮曹績張孝勵王習段彥  
弼彥一作衍徐任廖邦彥陳澤李植劉士龍  
右紹興中任

余鳳

右隆興中任

顏師魯

見漳州

徐盤方洗

右乾道中任

趙善悉

見宗正

虞寅趙伯肆張宗文余有徽鄧仲倚

右淳熙中任

毛嘉會

右紹熙中任

謝雱趙善新周居信

右慶元中任



鄭革陳汝益中任

右嘉泰中任

趙善封見室中任

右開禧中任

周茂良王克恭見南安

右嘉定中任

陳璉未詳

右寶慶中任

黃憲錢沆徐斌未詳

右紹定中任

趙希石聶世美

右嘉熙中任

陸鎮龔鎮李澤民

澤民淳熙八年令政平訟簡民安其業首新廟學創

先賢祠築東湖陂號李公堤

徐夢發見浦城

右淳祐中任

留祐黃流

右寶祐中任

趙汝堞陳垠孫

趙汝堞陳垠孫



右景定中任

趙希沸芮居仁

右咸淳中任

丞簿尉教官賢者附後

楊士谿開禧中丞縣見晉江縉紳

葉衡字夢錫金華人紹興中任簿攝尉獲鹽寇改於

潛令官至宰相史稱衡才智有餘一時之選也

陸游見提舉常平中任簿見沙縣縉紳盧應時紹興中任簿見惠安縉紳

曹輔崇寧中任尉見沙縣縉紳

劉曄乾道中教諭作新廟學易民地拓大之

元

達魯花赤尹丞簿尉教諭各一員

徐賜見順昌縉紳孫駮見本縣縉紳盧琦至正中任尹見惠安

皇朝

知縣縣丞主簿典史各一員教諭訓

導各一員東洋麻嶺巡簡司巡簡一員河

泊所河泊陰陽訓術醫學訓科各一員

王子京王溥

溥字孟淵建學校禮師儒重農務本公勤著稱

朱政

周書

文蒞

三

吳



政字文政望江人有為有守民懷德惠

陸仲蔚

可誠字思誠歸善人由御史調任愛民禮士守已奉

公擢湖廣僉事

唐伯鑑

右洪武中任

賈得善

得善字求之蕭山人明敏有抑縱人稱善治

姚某李某

右永樂中任

張初

初字達本安吉人仁明公恕百姓宜之

右宣德中任

詹應

應字以誠金谿人作興學校吏畏懷

許希顏

希顏字本愚懷慶人紀綱嚴明仁威並著

鮑玄璵董景鳳裴高

右正統中任

人睿

畫



右京泰中任

周匯周鍾

右天順中任

胡麓江偉王緬鄭鎔

鎔字貴之慈谿人以舉人授上杭訓導擢來任縣清

謹仁明百度振舉崇重學校培養士氣

右成化中任

愈黼其思召藥和蔡齊宸應高

右弘治中任

熊種

熊新昌人個儻有為

龔穎

見安溪知縣

羅幹

見平和縣知縣

桂宗羨

右正德中任

周銑葉稠

稠字桂芳南昌人以舉人任表率孝友行誼之民毀

淫祠十餘所監陳石堂書院給田祭享聽斷明決鄰

有疑獄當道多屬之自携蔬糲往聽絲粟無擾罰贖

俱今入穀歲饑賴全活

程世鵬舒文奎劉僑方寬李裕夏寶

寶南城人以舉人任一力自隨寒暑兩衣幾更不易



聽訟立剖贖鍰悉入公帑公退吟咏灌園擢判常州  
李堯卿

堯卿番禺人以舉人任政平訟簡民安其業倭犯城  
單弱無援堯卿與叅將王夢麟歃血誓眾賊有張車  
登陴者堯卿手刃其六七有進逃遁之策者立叱斬  
之併攻三日城陷死之贈太僕丞蔭一子

林時芳

時芳潮陽人以舉人任時邑方苦倭州里為墟民匿  
山谷不返即返夜驚復潛遁時芳多方招集綏撫流  
散至於刑誣賴弛鹽禁戮假倭平鄰猾創殘之後詔  
使道不拾遺民心快焉

右嘉靖中任

胡師

右隆慶中任

韓紹

見長泰縣知縣

鄭彭齡高愈謙徐文翰舒應元黃試施

夢麟區日振曾曜李時榮曾受益

右萬曆中任

丞簿尉教官賢者附後

顏清字汝揚廣東人正統間以椽任丞守潔不畏權  
勢威信六行時銀場開辦按臣中官藩臬府屬監課



軍戍往來文移絡繹接應如流會鄧茂七亂其黨徧掠鄉村清率民兵焚其寨殲賊三百餘黨遁去卒於

官

潘貴字叔貴永康人景泰間丞慈下和眾綜理

周密

周和正德間丞

見清流知縣

李詔字應魁南豐人正德中丞縣捐俸貲建尊經閣

名宦鄉賢二詞設趙公渡亭廂砌城垣百餘丈歸休

十年猶遣人橐金為修葺尊經閣資置祭器尊彝於

學宮

江鎔字玉輝金谿人弘治間簿清潔有威政事修舉

應詔陳言皆切時政

劉定資字天賦邵陽人嘉靖中任簿剛直老成致仕

去

胡文星字子人嘉靖中簿誠朴平易卒于官

黃明字思誠進賢人永樂中任典史操行端潔處事

公勤

鄭嘉祥字應麟南海人正德中典史在任六載始終

一致以剛直不協僚友致仕去

戴本字彝倫江西德化人永樂十五年以舉人任教

諭有文學孝友節義孜孜教人

月

卷之六十一

文蒞

七

章



林約仲名組以字行平陽人宣德中繇舉人任教諭  
修學宮講堂齋室擇民間子弟使就學明經術嚴條  
約以教之

陳震字起東長洲人成化五年以舉人任教諭善古  
文詞尤長於詩吳文定稱其詩有王岑高劉之風林  
莊敏在北臺爲寧德擇師請銓曹授之

王鑾字節之浮梁人正德中以舉人任教諭時學燬  
教荒鑾舉廢墜飾聖賢像新科貢版甄別試士貧者  
給以資餉死無歸者殮而賻之攝邑政革樣米禁海  
舶泊稅之弊寧德人稱賢師必曰王浮梁

陳大期字世望饒平人嘉靖八年以舉人署教諭蚤  
從魏莊渠學恒與諸生歌詩誦書會文肄射以陶成  
德器

蔡智字尚鑑黃巖人宣德中以舉人司訓約束諸士  
隨才程督夙興端坐比曉升堂教誨懇至退齋手不  
釋卷

董秀正統中訓導

見閩縣  
籍紳

伍文高要人嘉靖中任訓導剛直嚴教

閔文振浮梁人嘉靖中訓導博雅能文持身嚴謹

利灌見寧洋博羅人嘉靖中訓導持身端慎無惰容




苟言日用不自給而加意貧生周其尤急者同官胡  
有疾子不在側終日省候其卒也殯之而歸其襯陞  
寧洋教諭歷兩府教授

何子曰予志文蒞令長以下蓋採諸郡縣記乘若夫  
兩臺藩臬其官則尊其任或久或近不同非若郡縣  
親且切聞見寥寥也予所爲志蓋採諸傳狀墓誌流  
傳人間者會粹良苦已夫士服采亮工誰其汶汶哉  
得予志而讀之煌煌乎國家賢才之盛布列中外海  
內泰寧者此矣

贊曰簪笏紫朱旌節旗幢黃綬紺綸孰匪代工平則  
枕奠亂則鼎扛嘉譽令問口載皓厖書屏賜璽天門  
上狝前後相望殿我大邦





皇朝興大派

皇朝興大派

寛政戊午



